

四庫全書

經部

欽定四庫全書

經部

五禮通考卷一百十一

詳校官侍郎_臣劉躍雲

給事中_臣溫常綬覆勘

總校官進士_臣繆琪

校對官庶吉士_臣嚴福

謄錄舉人_臣汪師曾

欽定四庫全書

五禮通考卷一百十

刑部尚書秦蕙田撰

吉禮

大夫士廟祭

儀禮特牲饋食禮

鄭曰饋云禮屬吉禮

諸侯之士祭祖禰於五

士以羊豕彼天子大夫士此儀禮特牲少牢故知是諸侯大夫士也祭法云適士一廟官師一廟官師謂中下

之士祖禰共廟亦兼祭祖故祖禰俱言也無問一廟二廟皆先祭祖後祭禰若祭無問尊卑廟數多少皆同日

而祭畢以此及少牢唯筮一日明不分日祭也

教氏繼公曰此篇言士祭其祖之禮

特牲饋食之禮不諏日

注祭祀自孰始曰饋食饋食者

事暇可以祭則筮其日矣不如少牢大夫先與有司於廟門諏丁巳之日疏孝子於親雖死事之若生故用

生人食道饋之也天子諸侯饋孰以前仍有灌鬯朝踐饋獻之事

教氏繼公曰特牲謂豕也士祭用三鼎乃以特牲名之者主於牲也少牢放此

張氏爾岐曰不諏日者不預諏前月下旬之丁巳以下筮來月上旬之丁巳但可以筮則筮而已自此以下

筮日筮尸宿尸宿賓視濯與牲凡五節皆祭前戒備之事

蕙田案周禮司尊彝云其饋獻用兩壺尊鄭
云饋獻謂薦熟時是饋獻即饋熟之事賈氏
乃云天子諸侯饋熟已前仍有灌鬯朝踐饋
獻之事誤也

及筮日主人冠端玄即位於門外西面

注冠端玄玄冠
玄端門謂廟門

則疏不玄端則朝服然
玄端一冠冠兩服也

教氏繼公曰士筮當朝服今
乃玄端者不可踰其祭服也

陳氏禮書郊特牲言作龜於
廟宮則天子諸侯不在廟門

子姓兄弟如主人之服立於主人之南西面北上

注所祭者

之子孫言子姓者子之所生小宗祭而兄弟皆來與焉宗子祭則族人皆侍

殷氏繼公曰是時子姓而下之服亦玄端統於主人也

盛氏世佐曰先子姓而後兄弟者子姓據所祭者而言兄弟據主祭者而言凡同姓者曰兄弟不必與主

人同昭穆

欽定義疏子姓依主人之嗣子立文也尊祖故敬宗敬宗故重適觀下文嗣舉奠而兄弟不得與焉祭畢有餽嗣為上而兄弟不敢躡焉此所以退兄弟於子姓之後也歟

有司羣執事如兄弟服東面北上

注士之屬吏也疏左傳云士有隸子弟

謂此言為屬吏

蔡氏德晉曰東面賓位也此時未有賓故有司羣執事皆如賓位

席於門中闌西闕外

注為筮人設之也疏士冠禮云筮與席所卦者具饌於西塾乃言

布席於門中此省文

筮人取筮於西塾執之東面受命於主人

注

人官名筮謂著也

宰自主人之左贊命命曰孝孫某筮來日某

諏此某事適其皇祖某子尚饗

注宰羣吏之長自由也贊佐也達也贊命由左

者為神求變也士祭曰歲事此言某事又不言妃者容大祥之後禪月之吉祭皇君也言君祖者尊之也某子

者祖字也伯子仲子也尚庶幾也

教氏繼公曰來日某亦謂丁若已也不言以某妃配變于大夫之筮辭也若其祝辭則亦當言之

筮者許諾還即席西面坐卦者在左卒筮寫卦筮者執

以示主人

注士之筮者坐著短由便卦者主畫地識爻爻備以方寫之

主人受視反

之筮者還東面長占卒告於主人占曰吉

注長占以其年之長幼旅

占若不吉則筮遠日如初儀

注遠日旬之外日

宗人告事畢

蕙田案以上筮日

前三日之朝筮尸如求日之儀命筮曰孝孫某諏此

某事適其皇祖某子筮某之某為尸尚饗

注三日者容宿賓視濯也

某之某者字尸父而名尸連言其親庶幾其憑依之也大夫士以孫之倫為尸

欽定義疏宗廟之尸必以同姓取其精氣合也必以孫之倫昭穆同也必以適不敢以賤者依吾親也必以無父者兩無所妨其尊也此數者喪祭吉祭同者也其有不同者喪祭不筮尸尚質也吉祭則筮尸矣練與大祥亦筮尸漸而之吉也吉祭無女尸而喪祭有

女尸何也以婦人喪不可以男子為尸也吉祭而後同凡有胖合之道焉陽統陰陰從陽斯不用女尸矣喪祭雖用尸而尸偶不備則無尸者有之若吉祭則不可無尸無尸是殤之也子孫而殤其祖考焉可乎

蕙田案以上筮尸

乃宿尸

注宿讀為肅肅進也進之者使知祭日當來凡宿或作速記作肅周禮亦作宿

蔡氏德晉曰宿越宿預成也蓋在祭前二日

主人立於尸外門外子姓兄弟立於主人之後北面東

上注不東面者來不為賓客子姓立於主人之後上當其後疏子姓兄弟東頭為上者不得過主人故為

上者當主尸如主人服出門左西面注不敢南面當尊

郝氏敬曰北面事神之禮出門左迎賓之禮

主人辟皆東面北上尸注順

主人再拜尸答拜注主人先拜尊尸先拜主人乃答拜今此尊尸是以主

人先拜也按少牢宿尸祝先釋辭訖尸乃拜此宗人擯尸答拜後宗人乃擯辭者士尸卑大夫之尸尊

辭如初卒曰筮子為某尸占曰吉敢宿注宗人擯者釋主人之辭如初

者如宰贊命筮尸之辭祝許諾致命注受宗人辭許之傳命於尸始宗人

祝北面至於傳命皆

尸許諾主人再拜稽首

注其許亦宗人受於

祝而告

尸入主人退

注相揖而去尸不拜送尸尊

蕙田案以上宿尸

宿賓賓如主人服出門左西面再拜主人東面答再拜

宗人擯曰某薦歲事吾子將涖之敢宿

注薦進也涖臨也言吾子將臨

之知賓在有司中今特肅之尊賓耳此宿屬吏內一人為備三獻賓之事也

疏

賓曰某敢不

敬從主人再拜賓答拜主人退賓拜送

高氏愈曰古人祭祀必立賓者欲其代主人而娛尸賓之來也亦若為助祭執事之意故主人獻尸而賓

長以肝從主人致爵主婦而後獻於賓以其皆以養尸為主而意不重於賓故也

盛氏世佐曰案以上二事皆祭前二日為之即筮尸之明日也故云筮尸宿尸宿賓皆同日非

蕙田案宿賓與宿尸同日而宿尸不與筮尸

同日盛氏之說是也少牢無宿賓故筮尸宿

尸得同一日有宿戒尸在前期三日故筮尸

在前二日反後特牲之一日

蕙田案以上宿賓

厥明夕陳鼎於門外北面北上有鼐

注宿賓之明日夕門外北面當門也

古文鼎為密疏少牢陳鼎在於在其南南順實獸於

門東此當門士卑避大夫也

其上東首注順猶從也於之制如今大木

牲在其西北首東足

注其西於西也東足者尚右也牲不用於以其生疏豕不可牽之

縛其足陳於門外首北出於東其足寢其左以其周人尚右將祭故也

設洗於阼階東南

壺禁在東序豆籩銅在東房南上几席兩敦在西堂

注東

房房中之東當夾北西

教氏繼公曰豆籩銅蓋在東房之東墉下士家亦有左右房於此見之矣

欽定義疏東房對西房而言謂此所陳在東房之東可

也以房中之東為東房不可也東房在正室之東夾室又在東房之東若夾室之北則北堂下之東矣鄭氏以夾室之北一架通為東房非也

主人及子姓兄弟即位於門東如初

注初筮位也

賓及衆賓

即位於門西東面北上

注不蒙如初者以賓在而宗人祝不在

宗人祝立

於賓西北東面南上

注事彌至位彌異宗人祝於祭宜近廟

主人再拜賓

答再拜三拜衆賓衆賓答再拜

注衆賓再拜者士賤旅之得備禮也

主人

揖入兄弟從賓及衆賓從即位於堂下如外位

注為視濯也

宗人升自西階視壺濯及豆籩反降東北面告濯具

注濯

溉也不言敦銅者省文也東北面告緣
賓意欲聞也言濯具不言絜以有几席

賓出主人出皆復外位

注為視牲也

宗人視牲告充雍正作

豕

注充猶肥也雍正官名也
北面以策動作豕視聲氣

宗人舉獸尾告備舉鼎鼐告絜

注備具

請期曰羹飪

注謂之

羹飪熟也謂明日質明時而曰肉熟重
豫勞賓宗人既得期西北面告賓有司

告事畢賓出主

人拜送

欽定義疏助祭者統言之皆曰執事經云執事之俎陳

於階間是也自子姓兄弟而外統言之皆曰賓下經
獻酬諸禮長賓長兄弟以下各分兩行是也其公有
司私臣亦在賓內而另分二列於下則又以貴賤殊
之公有司在西繼賓黨也私臣在東則以其私也而
主道統之所以主人及子姓兄弟如初而賓以下不
如初也

蕙田案以上陳鼎拜賓視濯視牲告期

夙興主人服如初立於門外東方南面視側殺

注夙早也興起

也主人服如初則其餘有主婦視饔饔於西堂下注炊

黍稷

曰饔宗婦為之饔竈也西堂下者堂之西下也近西壁

南齊於古文饔作饔周禮作饔

疏主婦視饔饔明

主婦自為也猶亨於門外東方西面北上注亨煮也煮

主人視殺牲

亨於門外東方西面北上

豕魚腊以饔

各一饔詩云誰能羹飪實鼎陳於門外如初注初視

亨魚溉之釜鬻

羹飪實鼎陳於門外如初

濯也

於戶東注戶東室戶東玄酒在西注尚之凡尊酌者在左

實豆籩鉶陳於房中如初注如初者取而執事之俎陳

於階間二列北上注執事謂有司及兄弟二列者因其

於階間二列北上

位在東西祝主人主婦之俎亦存焉

不升鼎者異於神盛兩敦陳於西堂藉用萑几席陳於西堂如

初

注盛黍稷者宗婦也
崔細葦古文用為于

尸盥匱水實於槃中簞巾在門

內之右

注設盥水及巾尸尊不就洗又不揮門內之右
象洗在東統於門東西上凡鄉內以入為左右

鄉外以出
為左右

郝氏敬曰簞竹器以盛巾在廟門
內右內以西為右尸入於此盥手

蕙田案門內之右註疏以為門東郝氏以為

門西盛世佐云案下經云尸入門左北面盥

則槃匱之屬在門內之西明矣門西曰右者

從堂上視之也必在門西者取其便於尸盥

且與洗位相變也郝說得之註疏非

祝筵几於室中東面

注為神數席也至此使祝接神

主婦纓笄宵衣立

於房中南面

注主婦主人之妻雖姑存猶使之主祭祀纓笄首服宵綺屬也此衣染之以黑其繒

本名曰宵詩有素衣朱宵記有玄宵衣凡婦人助祭者同服也內則曰舅沒則姑老冢婦所祭祀賓客每事必請於姑

叔氏繼公曰大夫妻祭服祿衣侈袂則此宵衣乃次於祿衣者耳纓笄士妻首飾之常言之者見其無異飾也凡婦人助祭者與主婦同服

蕙田案內司服天子諸侯王后以下助祭不

同者尊則有降卑則無降也

主人及賓兄弟羣執事即位於門外如初宗人告有司

具

注具猶辦也

主人拜賓如初揖入即位如初

注初視也

佐食

北面立於中庭

疏下記云佐食當事則戶外南面無事則中庭北面此謂無事時

蕙田案以上祭日主人主婦陳設拜賓即位

主人及祝升祝先入主人從西面於戶內

注祝先入接神宜在前也

少牢饋食禮曰祝盥於洗升自西階主人盥升自阼階祝先入南面

蕙田案祝先入謂入於室

主婦盥於房中薦兩豆葵菹蜩醢醢在北

注主婦盥盥於內洗昏禮

婦洗在北堂直室東隅

宗人遣佐食及執事盥出

注命之盥出當助主人及賓舉

鼎主人降及賓盥出主人在右及佐食舉牲鼎賓長在

右及執事舉魚腊鼎除匱

注及與也主人在右統於東主人與佐食者賓尊不載少

牢饋食禮魚用鮒腊用麋士腊用兔

疏東為右人西

為左人右人尊入時在鼎前左人卑入時在鼎後又盡

載牲體於俎又設俎於神坐前賓主當相對為左右以賓尊不載牲體故使佐食對主人使賓為右人而使執

事在左而載也

宗人執畢先入當阼階南面

注畢狀如父蓋為其似畢星取名焉主人親舉宗人

則執畢導之既錯又以畢臨匕載備失脫也襍記曰北用桑長三尺畢用桑長三尺刊其本與末杙畢同材明矣今此杙用棘心則畢亦用棘心

鼎西面錯右人抽扃委於鼎北

注右人謂主人及二贊賓既錯皆西面俟也

者錯俎加匕

注贊者執俎及匕從鼎入者其錯俎東縮加匕東柄既退而左人北面也

乃杙

注右人也尊者於事指使可也左人載之

佐食升所俎鼎之設於阼階

西

注所謂心舌之俎也郊特牲曰所之為言敬也言主人之所以敬尸之俎古文鼎皆作密卒載加

匕於鼎

注卒已也已戴畢亦加焉

主人升入復位俎入設於豆東魚

次腊特於俎北

注入設俎載者腊特饌要方也凡饌必方者明食味人之性所以正

蕙田案俎入謂自阼階入陳室中無並曰特

主婦設兩敦黍稷於俎南西上及兩鉶芼設於豆南南

陳

注宗婦不贊敦鉶者以其少可觀之芼菜也

祝洗酌奠奠於鉶南遂命佐食啟會佐食啟會卻於敦

南出立於戶西南面

注酌奠奠其爵觶少牢饋食禮啟會乃奠之

主人再拜

稽首祝在左

注稽首服之甚者祝在左當為主人釋辭於神也祝祝曰孝孫某敢用剛鬣嘉薦普

渾用薦某事於皇祖某子尚饗卒祝主人再拜稽首

陳氏禮書此未迎尸之前陰厭也陰厭西南與與室之闇故曰陰席東面

蕙田案以上主人主婦及祝佐食陳設陰厭

祝迎尸於門外

注尸自外來代主人接之就其次而請不拜不敢與尊者為禮

主人降立於阼階東

注主人不迎尸成尸尊尸所祭者之孫也祖之尸則主人乃宗子禰

之尸則主人乃父道事神之禮廟中而已出迎則為厭

蕙田案注厭字是君厭臣尊厭卑之義教氏

欲改為屈其義反狹

尸入門左北面盥宗人授巾

注侍盥者執其器就之執簞者不授巾賤也宗人授

中庭長尊少牢饋食禮曰祝先入門右尸入門左

尸至於階祝延尸尸升入祝

先主人從

注延進在後詔侑曰延禮器所謂詔侑武方者也少牢饋食禮曰尸升自西階入祝從主

人升自阼階祝先入主人從疏案士虞禮祝前鄉尸彼祝居尸前道之此則在尸後詔之故云延

蕙田案尸升入者升升堂入入室

蕙田案以上尸入

尸即席坐主人拜受尸

注受安坐也

尸答拜執奠祝饗主人

拜如初

注饗勸彊之也其辭取於士虞記則宜云孝孫某主為孝薦之饗舊說云明薦之疏引舊說

者證主為潔明之義也

孔氏穎達曰祝先奠爵于鉶用尸入即席而舉之

祝命授祭尸左執觶右取菹揄於醢祭於豆間

祝命詔尸也授

祭祭神食也士虞禮古文曰祝命佐食墮祭周禮曰既祭則歲其墮墮與按讀同耳揄醢者染於醢

陳氏禮書尸墮祭猶生者之飲食必祭也

欽定義疏墮祭之祭黍稷也肺也其授之則佐食也命之授則祝也祝命佐食非命尸也大約尸先祭豆而祝即命佐食取黍稷肺授祭士虞立文甚明此經祝命佐食墮祭尸於是先祭豆正欲與授祭之節相接耳鄭注命為命尸非命佐食似與前說相悖

蕙田案按或作墮或作綏皆通用教氏以為授字之誤則非授祭事在下文

佐食取黍稷肺祭授尸尸祭之祭酒啐酒告旨主人拜

尸奠觶答拜

注肺祭剗肺也旨美也祭酒穀味之芬芳者齊敬共之唯恐不美告之以美達其心

明神享之

祭鉶嘗之告旨主人拜尸答拜

注鉶肉味之和者曲禮曰客祭

羹主人辭不能亨

祝命爾敦佐食爾黍稷於席上

注爾近也近之便尸之食

也設大羹湆於醢北

注大羹湆煮肉汁也不和貴其質

不為神非盛者也士虞禮曰大羹湆自門入今文湆皆為汁

舉肺脊以授尸尸受振

祭饔之左執之

注肺氣之主也脊正體之貴者先食啗之所以導食通氣乃食食舉

注舉言食者明凡解體皆連肉

盛氏世佐曰乃食食黍也舉即肺脊

主人羞所俎於腊北

注所俎主於尸主人親羞敬也神俎不親設者貴得賓客以神事其

先尸三飯告飽祝侑主人拜

注三飯告飽禮一成也侑勸也或曰又勸之使又食

少牢饋食禮侑辭曰皇尸未實侑

佐食舉幹尸受振祭饔之佐食受加於所俎舉獸幹魚

一亦如之

注幹長脅也獸腊其體數與牲同

尸實舉於菹豆

注為將食庶羞舉謂肺脊

佐食羞庶羞四豆設於左

南上有醯

注庶羞也衆羞以豕肉所以為異味四豆者醢炙載醯南上者以醢炙為上以有醢不得

也

尸又三飯告飽祝侑之如初

注禮再成也

舉骼及獸魚如初尸又三飯告飽祝侑之如初

注禮三獸魚

如初者獸魚一也

舉肩及獸魚如初

注不復飯者三三者士之禮大成也舉先正脊後肩自上而卻下綽而前

終始之次也

疏先舉正脊自上也次舉脊即卻也後舉骼即下綽終舉肩即前也前者牲體之始後者牲體

終之

盛氏世佐曰注云自上而卻下者謂由脊而及脅也云絳而前者謂由髀而及肩也卻猶退也絳猶屈也似未審疏分句

佐食盛所俎俎釋三个

注佐食取牲魚腊之餘盛於所俎將以歸尸俎釋三个為改饌

於西北隅遺之所釋者牲腊則正脊一骨長脅一骨及臠也魚則三頭而已个猶枚也今俗言物數有若干个者此讀然

揚氏復曰今被前已舉四體外今宜盛臂肱橫脊短脅故知所釋者惟此耳

舉肺脊加於所俎反黍稷於其所

注尸授佐食佐食受而加之反之也肺脊

初在
菹豆

教氏繼公曰此
蒙佐食之文

蕙田案以上尸食九飯

主人洗角升酌醕尸

注醕猶衍也是獻尸也云醕者尸既卒食又却頤衍養樂之不用爵

者下大夫也因父子之道質而用角角加人事略者今文醕皆為酌

尸拜受主人拜送尸

祭酒啐酒賓長以肝從

注肝肝炙也疏直言肝從亦當如少牢賓長羞牢肝用俎縮

執俎肝亦縮進末鹽在右此不言文不具也

孔氏穎達曰夏官量人云凡祭祀制其從獻脯燔之數量是從獻之文也骨體陳於俎既獻酒即以燔炙

從之非尸賓常
俎故為從獻

尸左執角右取肝濡於鹽振祭嚼之加於菹豆卒角祝

受尸角曰送爵皇尸卒爵主人拜尸答拜

注曰送爵者節主人拜

蕙田案以上主人酌尸

祝酌授尸尸以醋主人

注醋報也祝酌不洗尸不主人親酌尊尸也古文醋作酢

拜受角尸拜送主人退佐食授授祭

注退者進受爵反位尸將啜主人佐

食授之授祭亦使祭尸食也其授祭亦取黍稷肺祭

欽定義疏宗廟之中尸最尊主人次之主婦又次之其

墮祭得如尸禮自祝而下則僅有離肺而無祭肺蓋
犧牲粢盛惟主祭者得與所祭者共之者也故其授
祭也同祭而攝則不敢行此禮所以重宗尊適而別
乎正主也

蕙田案敖氏謂此授字因與授字相類而衍
然案少牢饋食尸醕主人時上佐食以授祭
皆祭尸食此以授字代以字耳授字非衍

主人坐左執角受祭祭之祭酒啐酒進聽嘏

注聽猶待也受福曰

嘏嘏長也大也待尸佐食搏黍授祝祝授尸尸受以菹

豆執以親嘏主人

注獨用黍者食之主其辭則少牢饋食禮有焉

主人左執角再拜稽首受復位詩懷之實於左袂挂於

季指卒角拜尸答拜

注詩猶承也謂奉納之懷中季小也實於左袂挂袪以小指者便卒

角也少牢饋食曰興受黍坐振祭齊之

敖氏繼公曰詩字未詳或曰敬慎之意內則曰詩負之是也

主人出寫畱於房祝以籩受

注變黍言畱因事託戒欲其重稼畱畱者農力之成

功

蕙田案少牢言啻黍此單言啻語有詳略耳
無異義

蕙田案以上尸酢主人嘏

筵祝南面

注主人自房還時

主人酌獻祝祝拜受角主人拜送設菹醢俎

注行神惠也先獻祝

以接神尊之菹醢皆主婦設之佐食設俎

祝左執角祭豆興取肺坐祭臠之興加於俎坐祭酒啐酒以肝從祝左執角右取肝換於鹽振祭臠之加於俎

卒角拜主人答拜受角酌獻佐食佐食北面拜受角主

人拜送佐食坐祭卒角拜主人答拜受角降反於籩升

入復位

疏按上獻祝有俎此獻佐食不言俎者上經云執事之俎陳於階間二列北上鄭注云執事謂

有司以佐食亦在有司內者下記云佐食俎斂折脊脅也又下經賓長獻節鄭注云凡獻佐食皆無從其薦俎獻兄弟以齒設之若少牢獻佐食俎即設於兩階之間西上大夫將賓尸故即設佐食俎至於賓尸時佐食無也俎

蕙田案以上主人獻祝佐食

主婦洗爵於房酌亞獻尸

注亞次也次猶貳主婦貳獻不夾拜者士妻儀簡耳

尸拜受主婦北面拜送

注北面拜者辟內子也大宗婦夫之妻拜於主人北西面

執兩籩戶外坐主婦受設於敦南

注兩籩栗在西北祝贊籩祭

尸受祭之祭酒啐酒

注籩祭栗之祭其祭之亦於豆祭兄弟長以燔從

尸受振祭齊之反之

注燔炙肉也疏云反羞燔者受之者謂反燔於長兄弟

加於所出

注出者俟後事也疏謂俟主婦獻祝之時更當羞燔於祝

尸卒爵祝受爵命送如初

注送者酢如主人儀主尸酢

主人儀者自祝酌至尸拜送如酢主人也不易爵辟內子

盛氏世佐曰男女不相襲爵此不言易爵文省也注云辟內子似泥

主婦適房南面佐食授祭主婦左執爵右撫祭祭酒啐

酒入卒爵如主人儀

注撫授祭示親祭佐食不授而祭於地亦儀簡也入室卒爵於尊者

前成禮明受惠也

蕙田案以上主婦亞獻尸尸酢

獻祝籩燔從如初儀及佐食如初卒以爵入於房

注及佐食

如初如其獻佐食則拜主人之北西面也

蔡氏德晉曰以燔從者兄弟之衆

蕙田案以上主婦獻祝及佐食

賓三獻如初燔從如初爵止

注初亞獻也尸止爵者三獻禮成欲神惠之均於室

中是以奠而待之疏自此盡卒復位論賓長獻尸及佐食并主人主婦致爵之事此一科之內乃有十一爵賓獻尸一也主婦致爵於主人二也主人酢主婦三也主人致爵於主婦四也主婦酢主人五也尸舉奠爵酢賓長六也賓長獻祝七也又獻佐食八也賓又致爵於主人九也又致爵於主婦十也賓受主人酢十一也教氏繼公曰如初謂尸拜受主人拜送也尸於舉酌之末亦欲主人而下皆受舉爵之禮故止爵以見其意於是主人主婦交相致爵既而遂獻賓以至於私人而終尸意焉

蕙田案以上賓長獻尸爵止

席於戶內

注為主人鋪之西面席自房來主婦洗爵酌致爵於主人主

人拜受爵主婦拜送爵

注主婦拜於北面也
今文曰主婦洗酌爵

宗婦贊豆如初主婦受設兩豆兩籩

注初贊亞獻也主
婦薦兩豆籩東面

也

俎入設

注佐食設之
尸者主婦致爵於主人時佐食設俎

主人左執爵祭薦宗人贊祭奠爵興取肺坐絕祭臠之

興加於俎坐扱手祭酒啐酒

注絕肺祭之者以離肺長
也少儀曰牛羊之肺離而

不提心豕亦然扱也
扱手者為絕肺
染汙也剝肺不扱手
疏提猶絕也

肝從左執爵取

肝換於鹽坐振祭臠之宗人受加於俎燔亦如之興席

末坐卒爵拜

注於席末坐卒爵敬也一酌而備再從而次之亦均疏上主人獻尸賓長以肝從

主婦獻尸兄弟以燔從今一酌而肝燔從則與尸等故亦云均主婦答拜受爵酌醋左

執爵拜主人答拜坐祭立飲卒爵拜主人答拜主婦出反於房

敖氏繼公曰酢不易爵者禮婦人承男子後多不易爵則其自酢又可知矣

蕙田案以上主婦致爵於主人自酢

主人降洗酌致爵於主婦席於房中南面主婦拜受爵主人西面答拜宗婦薦豆俎從獻皆如主人主人更爵

酌醋卒爵降實爵於筐入復位

注主人更爵自酢男子不承婦人爵也祭統曰

夫婦相授受不相襲處酢必易爵明夫婦之別疏筐實二爵一尸奠之未舉一致於主婦此受者房內之爵也

敖氏繼公曰主人於主婦亦謂之致爵者夫妻一體也主婦席南面變於大夫不賓尸之禮也亦拜受於席豆亦兩豆兩簋俎牲俎也從獻肝燔也皆如主人謂其受爵以前之禮也所異者其不用贊與

蕙田案以上主人致爵於主婦自酢

三獻作止爵

注賓也謂三獻者以事命之作起也舊說云賓入戶北面曰皇尸請舉爵

尸卒

爵酢酌獻祝及佐食洗爵酌致於主人主婦燔從皆如

初更爵酢於主人卒復位

注洗乃致爵為異事新之燭從皆如初者如亞獻及主人

主婦致爵也凡獻佐食皆無從其薦俎獻兄弟以齒設之賓更爵自酢亦不承婦人爵

楊氏復曰案上文賓三獻尸止爵不舉故未得獻祝與佐食待主人主婦致爵又醕神惠已均賓乃止爵尸卒爵酢賓賓遂獻祝與佐食事之序也又案上文主婦獻皆至祝佐食而止今賓獻祝佐食畢又致爵於主人主婦故洗爵致為畢事新之也

欽定義疏少牢賓尸賓酌致主人而不致主婦不賓尸則賓致爵於主婦此則主人主婦交致爵而賓又致主人致主婦皆禮之互變也善事親者能得人之歡

心以事其先主人不先獻賓而賓先致主人何也以祭言之則賓在三獻之列而諸在庭中者不敢並焉以分言之則卑者也且立賓所以事尸尸方欲行室中之惠則賓之致爵亦所以善承尸意也夫而後室中之禮成而庭中之禮起矣

蕙田案以上賓作止爵尸酢賓賓獻祝佐食致於主人主婦自酢

主人降阼階西面拜賓如初洗

注拜賓而洗爵為將獻之如初視濯時主人再

拜賓答拜三拜衆
賓衆賓答再拜者

蕙田案敖氏謂初謂三拜衆賓衆賓皆答一
拜此與註答再拜之文不同案鄭據本篇陳
鼎拜賓時文敖據有司徹文彼大夫禮與士
有異仍當依鄭

賓辭洗卒洗揖讓升酌西階上獻賓賓北面拜受爵主

人在右答拜

注就賓拜者此禮不主於尊也賓卑則不專階主人在右統於其位

薦脯醢設折俎

注凡節解者皆曰折俎不言其體略云折俎非貴體也上賓醑衆賓儀公有司

設賓左執爵祭豆奠爵興取肺坐絕祭臠之興加於俎

坐執手祭酒卒爵拜主人答拜受爵酌酢奠爵拜賓答

拜

注主人酌自酢者賓不敢敵主人主人達其意

主人坐祭卒爵拜賓答拜揖執祭以降西面奠於其位

位如初薦俎從設

注位如初復其位東面少牢饋食禮宰夫執薦以從設於祭東司士執俎

以從設於薦東是則皆公有司為之與

蕙田案以上主人獻賓長自酢

衆賓升拜受爵坐祭立飲薦俎設於其位辯主人備答

拜焉降實爵於篚

注衆賓立飲賤不備禮鄉飲酒記曰立卒爵者不拜既爵備盡盡人之答

拜

敖氏繼公曰辨謂皆有薦俎也其薦俎亦於每獻一人則設之備答拜謂悉答之也其拜亦在每人受爵後之

蕙田案以上主人獻衆賓

尊兩壺於阼階東加勺南枋西方亦如之

注為酬賓及兄弟行神惠

不酌上尊卑異之就其位尊之兩壺皆酒湏之先尊東方示惠由近禮運曰澄酒在下疏上文獻賓及兄弟皆酌上尊者獻是嚴正故得與神靈共尊至此旅酬禮褻故不敢酌上尊

欽定義疏加勺亦南柄北面酌也與堂上之尊同庭中凡四尊尊必朋設東西階下分賓主人黨也宗廟之禮尊者主於敬親者主於愛以敬為主故酌尸而不敢酬況於旅乎少牢不賓尸亦獻而止矣少牢賓尸而後尸舉旅行酬則殺乎正祭矣以愛為主故尸加爵而爵止亦欲與於祭者之無不醉也況主祭者乎一舉觶為旅酬始再舉觶為無算爵始而凡鄉飲射燕合情同愛之禮皆視乎此矣

主人洗觶酌於西方之尊西階前北面酬賓賓在左

注先

酌西方者尊賓之義

主人奠觶拜賓答拜主人坐祭卒觶拜賓答拜主人洗

觶賓辭主人對卒洗酌西面賓北面拜

注西面者鄉賓位立於西階之

前賓所答拜之東北

蕙田案酬賓卒觶主人酌而自飲以導賓飲

也下賓取觶奠之為旅酬時取以酬長兄弟

主人奠觶於薦北

注奠酬於薦左非為其不舉行神惠不可同於飲酒

賓坐取觶還東面拜主人答拜賓奠觶於薦南揖復位

注還東面就其位薦西奠觶薦南明將舉

教氏繼公曰復位主人復阼階下西面位也

張氏爾岐曰設尊酬賓以啟旅酬

蕙田案復位教說為是疏云揖復位則初奠時少南於位可知未是

欽定義疏獻酢酬三者具而禮成故獻之禮成於酬賓主之正禮然也此主人酬賓所以成獻賓之禮少牢

下篇亦酬尸以賓尸在堂則以賓禮事之也特牲但酬賓而已尸則不敢酬之以其在室神之也

蕙田案以上主人酬賓長賓莫解

主人洗爵獻長兄弟於阼階上如賓儀

注酬賓乃獻長兄弟者獻之禮

成於酬先成賓禮此主人之義亦有薦爵設於位私人為之與

敖氏繼公曰如賓儀兼酢言

洗獻衆兄弟如衆賓儀

注獻卑而必為之洗者顯神惠此言如衆賓儀則知衆賓洗明

矣

教氏繼公曰以承已
自酢之後故須洗之

蕙田案記長兄弟及宗人折其餘如佐食俎
眾兄弟若有公有司私臣皆殺胥膚一離肺
一賓與長兄弟之薦自東房其餘在東堂私
臣門東北面西上獻次兄弟詳見上文獻賓
條此不重出

蕙田案以上主人獻長兄弟自酢洗獻眾兄
弟

洗獻內兄弟於房中如獻衆兄弟之儀

注內兄弟內賓宗婦也如衆兄

弟如其拜受坐祭立飲設薦俎於其位而立內賓位在房中之尊北不殊其長畧婦人也有司徹曰主人洗獻

內賓於房中南面拜受爵疏云內賓宗婦也者此總云內兄弟下記云內賓宗婦案彼注云內賓姑姊妹宗

服名故號婦人若然兄弟者主人西面答拜更爵酢卒爵

降實爵於篚入復位

注爵辨乃自酢以初不殊其長也內賓之長亦南面答拜

蕙田案以上主人獻內兄弟自酢

長兄弟洗觚為加爵如初儀不及佐食洗致如初無從

注大夫士三獻而禮成多之為加也不及佐食無從殺也致致于主人主婦疏如初儀者如賓長三獻之儀

但賓長獻十一爵此兄弟之長加獻唯有六爵以其闕
主人主婦致爵并酢四爵及獻佐食五唯有六在者洗
觚為加獻一也尸酢長兄弟二也獻祝三也致爵
于主人四也致爵于主婦五也受主人酢六也

教氏繼公曰無從謂所獻所致者皆無
燔也無從則不啐酒而卒爵亦其異者

欽定義疏加爵之義有二一比於侑食勸飽之意一使
長兄弟衆賓長得以伸其敬也及祝而不及佐食者
佐食與旅而祝不與旅非但禮殺而已加爵而後致
爵亦所以伸敬於主祭者也加爵用觚所以別於正
獻也致爵於主婦既乃更一觚以自酢故篚實二觚

焉酢訖降奠於篚

蕙田案以上長兄弟為加爵

衆賓長為加爵如初爵止

注尸爵止者欲神惠之均于庭疏庭賓及兄弟雖得

一獻未得旅酬其尸得三獻又別受加爵故停之使庭行旅酬

陳氏禮書士與下大夫無賓尸故有加爵上大夫有賓尸故無加爵士加爵三而下大夫加爵二者厭降也

欽定義疏大夫賓尸尸作三獻之爵遂繼之以旅酬是尸自行其惠於廟中也士不賓尸則尸不出堂而行

旅酬之禮矣故於加爵而爵止所以示致惠之意而使上下同其愛內外致其忱至於既醉而止也蓋三獻以申敬故爵止而上下內外無不獻焉斯以廣敬也加爵以盡歡故爵止而上下內外無不酬焉斯以合歡也

蕙田案以上衆賓長為加爵爵止

嗣舉奠盥入北面再拜稽首

注嗣主人將為後者舉猶飲也使嗣子飲奠者將傳

重累之者大夫之嗣子不舉奠辟諸侯疏奠者即上文祝奠奠于銅南是也

欽定義疏大夫辟君士卑不嫌此通例也但天子諸侯
所以有上嗣受爵之禮者以天子諸侯繼世為君而
卿大夫不世爵故其嗣子不遽行舉奠者不敢以卿
大夫自居也士之子為士者家有之故其嗣子得行
舉奠禮亦即乎人心之安焉耳

尸執奠進受復位祭酒啐酒尸舉肝舉奠左執觶再拜

稽首進受肝復位坐食肝卒觶拜尸備答拜焉

注食肝受尊者

賜不敢餘也備猶盡也每拜答之以尊者與卑者為禮

器其文耳古文備為復疏食若不盡直云啐之而已

郝氏敬曰尸備答拜者重繼體每拜皆答

舉奠洗酌入尸拜受舉奠答拜尸祭酒啐酒奠之舉奠

出復位

注啐之者答其欲酢已也奠之者復神之奠解嗣齒于子姓凡非主人升降自西階

敖氏繼公曰舉奠酌以進尸反尸之奠解耳尸祭啐奠之初禮新之

欽定義疏以傳宗廟之重言之曰受重以承祖宗之貺

言之曰舉奠祭祀之陳饌以奠而成嗣舉奠則雖在子弟之列而已付以他日祭祀之事矣其舉奠必在加爵爵止之後何也加爵則室中之禮將畢矣若待

旅酬而後舉又無以行吾敬也惟於爵止而舉奠可
以明前人之保佑其子孫焉於其舉奠而洗酌又可
以明祚胤之致孝其宗祖焉其序在長兄弟加爵之
後而又在兄弟弟子舉觶之先情深而文美也

蕙田案以上嗣舉奠

兄弟弟子洗酌於東方之尊祚階前北面舉觶於長兄

弟如主人酬賓儀

注弟子後生也

張氏爾岐曰此下言旅酬前主人酬賓已舉西階一
觶此弟子復舉東階一觶皆為旅酬啟端因於此時

告祭設羞先旅西階一觶加爵者即作止爵次旅東階一觶又次並旅東西二觶而神惠均於在庭矣

蕙田案以上弟子舉觶於長兄弟

宗人告祭胥

注胥俎也所告者衆賓兄弟內賓也獻時設薦俎于其位至此禮又殺告之祭使成

禮也其祭皆離肺不言祭豆可知

欽定義疏注謂衆賓衆兄弟內賓則佐食亦在其中矣祭胥使之成禮又因以爲羞庶羞之節也燕禮之祭薦者大夫而已既脫屨升席故先羞而後祭所以安之也此則凡在庭中者皆祭焉又不獨薦而有俎故

必先祭乃羞也告必宗人何庭長也

乃羞

注羞庶羞也下尸載醢豆而已此所羞者自祝主人至於內賓無內羞

蔡氏德晉曰禮庶羞不踰牲則此羞即當以豕肉為之

欽定義疏天子諸侯正祭百物備故賓長受酢後薦尸以羞豆羞籩至繹祭而後及於主祭與助祭者楚茨之詩曰為豆孔庶為賓為客毛傳以為繹而賓尸及賓客是也大夫正祭羞於尸庶羞四豆至賓尸則尸侑主人主婦內羞庶羞兼有之賓兄弟內賓及私人

亦有庶羞不賓尸羞於尸亦庶羞四豆致爵後尸祝
主人主婦內羞庶羞兼有之賓兄弟以下則無士羞
於尸亦庶羞四豆祭胥之後祝主人以下有庶羞而
皆無內羞所以明隆殺之等也祝主人以下必有庶
羞何也禮無酬而不羞者雖鄉飲射一獻之禮亦有
之是皆為飲酒設也

蕙田案以上祭胥乃羞

賓坐取觶酢階前北面酬長兄弟長兄弟在右

注薦南奠觶

疏自此盡實解於篚論行旅酬之間作止爵之事但此
特性之禮堂下行旅酬並無算爵在室中者不與旅酬
之事賓主相酬主人常在東賓奠解拜長兄弟答拜賓
其同在賓中則受酬者在左

立卒解酌於其尊東面立長兄弟拜受解賓北面答拜

揖復位

注其尊長兄弟尊也此受酬者拜亦北面疏
以其旅酬無算爵以飲者酌已尊酬人之時酌

彼尊是各自其酒故無算爵賓弟子及
兄弟弟子舉解于其長各酌于其尊也長兄弟西階前

北面衆賓長自左受旅如初

注旅行也受行酬
也初賓酬長兄弟長兄弟

卒解酌於其尊西面立受旅者拜受長兄弟北面答拜

揖復位衆賓及衆兄弟交錯以辨皆如初儀

注交錯猶
言東西

敖氏繼公曰交錯
謂二黨互酬也

蕙田案此賓與兄弟旅酬張爾岐以為旅西

階一解是也

蕙田案以上賓與兄弟旅酬

為加爵者作止爵如長兄弟之儀

注于旅酬之間言作止爵明禮殺並作

郝氏敬曰初衆賓長繼長兄弟加爵尸飲長兄弟爵不飲衆賓長爵以已受加爵而衆賓與兄弟酬未及今既旅及衆賓與兄弟尸可飲矣故加爵之賓長作起其初止之爵請尸飲也

蕙田案此尸飲衆賓長之加爵

蕙田案以上衆賓長作止爵

長兄弟酬賓如賓酬兄弟之儀以辨卒受者實解於筐

注長兄弟酬賓亦坐取其奠解此不言交錯以辨賓之酬不言卒受者實解於筐明其相報禮終於此其文省

疏奠解者即上弟子舉解於其長是也賓舉奠解於長兄弟行旅酬盡皆徧長兄弟舉解於賓行旅酬亦皆徧交錯省文

蕙田案此衆兄弟酬賓賓酬衆兄弟衆兄弟

與賓互相酬以徧張爾岐以為旅酢階一解

是也以上為旅酬正數以下為無算爵

蕙田案以上兄弟與賓旅酬

賓弟子及兄弟弟子洗各酌於其尊中庭北面西上舉
觶於其長奠觶拜長皆答拜舉觶者祭卒觶拜長皆答
拜舉觶者洗各酌於其尊復初位長皆拜舉觶者皆奠

觶於薦右

注奠觶進奠之于薦右非神惠也今文曰奠于薦右

疏自此盡爵無算論二觶並行無算爵之事止爵行旅酬得為神惠至別為無算爵在下自相勸故為非神惠故奠于薦右同于生人飲酒舉者奠于薦

右也

敖氏繼公曰奠觶薦
右此為無算爵始

長皆執以興舉解者皆復位答拜長皆奠解於其所皆

揖其弟子弟子皆復其位

注復其位者東西面位弟子舉解于其長所以序長幼教

孝弟凡堂下拜亦皆北面初舉北面此重言復位當復東西面位可知

爵皆

無算

注算數也賓取解酬兄弟之黨長兄弟取解酬賓之黨唯已所欲亦交錯以辨無次第之數因今接

會使之交恩定好優勸之

款氏繼公曰其儀之與旅酬異者惟不拜耳

張氏爾岐曰二解並舉為無算爵

蕙田案以上弟子各舉解遂無算爵

利洗散獻於尸酢及祝如初儀降實散於籩

注利佐食也言利以

今進酒也更言獻者以利侍尸禮將終宜一進酒嫌于加酒亦常三也不致爵禮又殺也疏利與佐食乃有二名者以上文設俎啟會爾敦之時以黍稷為食故名佐食今進以酒酒所以供養故名利利即養也故鄭云酒也

郝氏敬曰禮將終告利成故利終獻以成禮

蕙田案以上佐食獻尸祝

主人出立於戶外西面

注事尸禮畢

祝東面告利成

注利猶養也供養之禮成主人出立于阼階上西面祝

疏少牢云出立于西

階上東面祝告曰利成此戶外告利成彼階上告利成以尊者稍遠于尸若天子諸侯禮畢于堂下告利成故詩楚茨云孝孫俎位工祝致告鄭注以祭禮畢孝孫往位堂下西面位也祝于是致孝孫之意告尸以利成也

尸謏祝前主人降

注謏起也前猶導也少牢饋食禮曰祝入尸謏主人降立于阼階東西面

祝先尸從遂出于廟門前尸之儀士虞禮備矣祝反及主人入復位命佐食徹

尸俎俎出於廟門

注俎所載于肝俎少牢饋食禮曰有司受歸之

蕙田案以上祝告利成尸出

徹庶羞設於西序下

注為將餞去之庶羞主為尸非神饌也尚書傳曰宗室有事族人皆

侍終日大宗已侍於賓奠然後燕私燕私者何也已而與族人飲也此徹庶羞置西序下者為將以燕飲與然

則自尸祝至于兄弟之庶羞宗子以與族人燕筵對席
飲于堂內賓宗婦之庶羞主婦以燕飲于房

佐食分簋銅

注為將餽分之也分敦黍于會為有對也敦有虞氏之器也周制士用之變敦言簋

容同姓之士得從周制耳祭統曰餽者祭之末也不可不知也是故古之人有言曰善終者如始餽其是已矣故古之君子曰尸亦餽鬼神之餘也惠術也可以觀政矣疏大夫異姓既用異代之器故少牢特牲皆用敦則同姓之士當同周制用簋

敖氏繼公曰此簋即敦之異名分簋銅者以簋分簋實以銅分銅羹也

宗人遣舉奠及長兄弟盟立於西階下東面北上祝命
嘗食養者舉奠許諾升入東面長兄弟對之皆坐佐食

授舉各一膚

注命告也士使嗣子及兄弟養其惠不過族親古文養皆作餽疏此決下篇少牢

二佐食及二賓長餽明惠大及異姓不止族親而已主人西面再拜祝曰養有以

也兩養奠舉於俎許諾皆答拜

注以讀如何其久也必有以也之以祝告養釋

辭以戒之言女養此當有所以也以先祖有德而享于此祭其坐養其餘亦當以之也少牢饋食禮不戒者非親昵也舊說云主人拜下養席南

若是者三

注丁寧戒之

皆取舉祭食祭舉乃食祭鉶食舉

注食

乃祭鉶禮殺祭時尸祭鉶乃爾黍

疏正

卒食主人降洗爵宰贊一爵主人

升酌醕上養上養拜受爵主人答拜醕下養亦如之

注少

牢饋食禮曰贊者洗三爵主人受于戶內主人拜祝曰

以授次養舊說云主人北面授下養爵

醕有與也如初儀注主人復拜為戒也與讀如諸侯以

與者與兄弟也既知似先祖之德亦當與女兄弟謂教

化之疏諸侯以禮相與之與見禮記禮運言此者戒

嗣子與長兄弟及眾兄弟相

教化相與以尊先祖之德也

兩養執爵拜

注答主人也

祭酒卒爵拜主人答拜兩養皆降

實爵於篚上養洗爵升酌酢主人主人拜受爵

注下養復兄弟

位不復升也

上養即位坐答拜

注既授爵戶內乃就坐

主人坐祭卒爵

拜上養答拜受爵降實於篚主人出立於戶外西面

注事

餽者
禮畢

陳氏禮書天子諸侯之養自君以至百官而煇胞翟
闕之史皆與焉以明惠周于境內也大夫之養二佐
食二賓長而已以明惠及于臣也士之養舉奠與長
兄弟而已以明惠止于其親也羞養筵于室中就神
位也用尸之簋餽施神惠也其禮則降與俟命而後
升祭舉祭餽然後食拜醕祭酒而後飲其位則上養
東面下養不酢而先降上養酢而後出養之大畧也
然士養于其舉也戒之曰養有以也于其醕也戒之
曰養有與也而大夫之養不戒士養受爵皆拜而大
夫之養受爵不拜大夫之上養不親酢而親餼士之
上養親酢而不餼何也大夫之養不戒以其非舉奠
也受爵不拜以其非貴者也上養不親酢以其親餼
也士之上養不餼
此其降于大夫與

蕙田案以上養

祝命徹昨俎豆籩設於東序下

注命命佐食昨俎主人之俎宗婦不徹豆籩徹

禮畧各有為而已設于東序下亦將燕也

祝執其俎以出東面於戶西

注俟告利

成少牢下篇曰祝告利成乃執俎以出

宗婦徹祝豆籩入於房徹主婦薦

俎

注宗婦既並徹徹其卑者士虞禮曰祝薦席徹入于房

蕙田案以上徹俎

佐食徹尸薦俎敦設於西北隅几在南扉用筵納一尊

佐食闔牖戶降

注扉隱也不知神之所在或諸遠人乎尸謬而改饌為幽闇庶其饗之所以為

厭飫少牢饋食禮曰南面如饋之設此所謂當室之白
陽厭也則尸未入之前為陰厭矣曾子問曰殤不備祭
何謂陰厭陽厭也疏引少牢者見彼大夫禮陽厭南
面此士禮東面雖面位不同當室之白則同案曾子問
注云當室之白謂西北隅得尸之明者也凡言厭者謂
無尸直厭飫神尸未入之前為陰厭謂祭于與中不得
戶明故名陰厭

楊氏復曰案釋宮云西南隅謂之奧西北隅謂之
屋漏注與者隱與屋漏者當室之白日光所漏入
陳氏禮書尸謂之後陽厭西北
漏漏室之白故曰陽席南面

蕙田案陰厭陽厭之文見曾子問是孝子求
神非一處之意敖氏以改設未即徹去重其

為神之餘食蓋不主陽厭之說

蕙田案以上陽厭

祝告利成降出主人降即位宗人告事畢賓出主人送

於門外再拜

注拜送賓也凡去者不答拜疏云凡總解諸文主人拜送賓皆不答拜鄭注鄉飲

酒云禮有終是也若賓更答拜是更崇新敬禮故不答也佐食徹昨俎堂下俎畢出

注記俎出節兄弟及眾賓自徹而出唯賓俎有司徹歸之尊賓也疏有司徹歸尸侑之俎不償尸歸尸俎皆

不見歸賓俎鄭所以知歸賓俎者上文賓出主人送于門外再拜明賓不自徹俎主人使歸之若助君祭必自

徹其俎鄭注曲禮大夫以下或使人歸之是以魯郊不致燔俎于大夫孔子不脫冕而行士大夫家尊賓則使

歸之自餘亦
自徹而去也

蕙田案以上禮畢賓出

記特牲饋食其服皆朝服玄冠緇帶緇鞞

注於祭服此也皆者謂賓

及兄弟筮日筮尸視濯亦玄端至祭而朝服朝服者諸
侯之臣與其君日視朝之服大夫以祭今賓兄弟緣孝
子欲得嘉賓尊客以事其祖禰故服之緇鞞者下大夫
之臣夙興主人服如初則固玄端疏士冠禮云主人
玄冠朝服素鞞此緇鞞故云下大夫之臣

教氏繼公曰緇鞞者其别于大夫助祭之賓與朝服
用玄冠之衣冠皮弁之裳故次于皮弁而尊于玄端

唯尸祝佐食玄端玄裳黃裳襍裳可也皆爵鞞

注與主人同服

周禮士之齊服有玄端素端然則玄裳上士也黃裳中士襍裳下士疏士之齊服玄端一而裳有三也

蕙田案以上記祭服

設洗南北以堂深東西當東榮

注榮屋翼也

水在洗東

注祖地

之左

篚在洗西南順實二爵二觚四觶一角一散

注順從也

言南從統于堂也二爵者為賓獻爵止主婦當致也二觚長兄弟及衆賓長為加爵二人班同迎接並也四觶一酌奠其三長兄弟酬賓卒受者與賓弟子兄弟弟子舉觶於其長禮殺事相接禮器曰貴者獻以爵賤者獻以散尊者舉觶卑者舉角舊說云爵一升觚二升觶三升角四升散五升

李氏寶之曰賓獻尸之時爵止主人當致爵于主婦故爵二

敖氏繼公曰二觚者長兄弟以觚為加爵因以致于主人主婦既則更之以酢于主人也四觶者其一奠于神席前其一乃主人以奠酬于賓其一乃衆賓長加爵于尸其一乃爵止而未舉之時兄弟弟子舉觶于其長者也

壺檠禁饌於東序南順覆兩壺焉蓋在南明日卒奠

用綌即位而徹之加勺

注覆壺者盞瀝水且為其不宜塵幕用綌以其堅潔禁言檠者

祭尚厭飫得與大夫同器不為神戒也疏檠之與禁因物立名大夫尊以厭飫為名士卑以禁戒為稱復以有足無足立名故禮記注云無足有似于檠士曰禁由有足以士虞禮云尊于室中兩甒醴酒無禁禁由足生名禮記云大夫用檠士用禁及鄉飲鄉射皆非祭禮是以雖大夫去足猶存禁名至祭則去足名為檠禁不為

也神戒

楊氏志仁曰奠酌奠奠于
銅南時即位尸即席坐

蕙田案於禁所以承尊不止承壺教氏謂壺

於禁廢壺之於禁也非是

邊巾以綌也纁裏棗烝栗擇

注邊有巾者果實之物多
皮核優尊者可烝裏之也

烝棗互文舊說
纁裏者皆玄被

銅笔用苦若薇皆有滑夏葵冬菹

注苦
苦茶

也菹莖屬乾棘心匕刻

注刻若
龍頭

款氏繼公曰喪祭匕用桑吉祭匕
用棘者喪桑音同吉棘聲近故也

牲爨在廟門外東南魚腊爨在其南皆西面饅爨在西

壁

注饅炊也西壁堂之西墻下舊說云南北直屋栢稷在南疏舊說者按爾雅釋宮曰檐謂之槁孫氏云

謂屋栢周人謂之栢齊人謂之檐謂承檐行材所俎心舌皆去本末午割之實

於牲鼎載心立舌縮俎

注午割縱橫割之亦勿沒立縮順其性心舌知食味者欲尸之

饗此祭是以進之疏云載心立舌縮俎者少牢云舌皆切本末亦午割勿沒其載于所橫之此言縮俎者彼

言橫据俎上為橫此言縮据鄉人為縮是以少牢云皆進下是也

款氏繼公曰既實牲體于鼎乃制此而實之于其上載謂載于所俎

賓與長兄弟之薦自東房其餘在東堂

注東堂東夾之前近南疏其

餘謂衆賓兄弟之薦也

蕙田案以上記器物陳設

沃尸盥者一人奉槃者東面執匱者西面淳沃執巾者

在匱北

注匱北執匱之北亦西面每事各一人淳沃稍注之今文淳作漱

郝氏敬曰沈灌曰沃細濯曰淳

宗人東面取巾振之三南面授尸卒執巾者受

注宗人代授巾

庭長尸入主人及賓皆辟位出亦如之

注辟位遂遁

蕙田案以上記尸入盥

嗣舉奠佐食設豆鹽

注肝宜鹽也

佐食當事則戶外南面無

事則中庭北面

注當事將有事而未至

凡祝呼佐食許諾

注呼猶命也

蕙田案以上記執事者之節

宗人獻與旅齒於衆賓

注尊庭長齒從其長幼之次

佐食於旅齒於

兄弟

款氏繼公曰佐食已酬于室中故獻兄弟時不與而但與其旅酬也

蕙田案上記宗人佐食獻旅之次

尊兩壺於房中西墉下南上

注為婦人旅也其尊之節亞西方

內賓立

於其北東面南上宗婦北堂東面北上

注二者所謂內兄弟內賓姑姊

妹也宗婦族人之婦其夫屬于所祭為子孫或南上或

北上宗婦宜統于主婦主婦南面北堂中房而北疏

云或南上或北上者內賓如梯妹賓客之類南上自取

曲禮云東鄉西鄉以南方為上宗婦雖東鄉取統于主

婦故北上主婦南面故也云北堂中主婦及內賓宗婦

房而北者謂房中半已北為北堂也

亦旅西面

注西面者異于獻也男子獻于堂上旅于堂下婦入獻于南面旅于西面內賓象衆賓宗

婦象兄弟其節與其儀依男子也主婦酬內賓之長酌

奠于薦左內賓之長坐取奠于右宗婦之梯婦舉解于

其似婦亦如之內賓之長坐取奠解酬宗婦之似交錯

以辯宗婦之似亦取奠解酬內賓之長交錯以辯內賓

之少者宗婦之梯婦各舉奠于其長並行交錯無算其拜

及飲者皆西面主婦之東南疏旅酬之法飲皆西面

知在主婦之東南者以其
不背主婦得邪角相向也

敖氏繼公曰此旅酬之儀雖與在庭者畧同然亦不
能無少異蓋主人既酬內兄弟主婦則酬內賓之長
酌奠于薦左內賓之長取之奠于右及兄弟舉旅之
時內賓之長亦取奠觶以酬主婦主婦以酬次內賓
次內賓以酬宗婦之長亦交錯以辯內賓之少者宗
婦之少者又各舉觶于其長以為無算爵始內賓長
之觶惟以旅主婦而已宗婦長之觶則以旅次內
賓亦交錯以辯皆不拜畧如鄉射無算爵之儀也

宗婦贊薦者執以坐於戶外授主婦

蕙田案記內賓宗婦皆殺脅膚一離肺一詳
見上文獻衆賓條不重出宗婦贊薦者云云

其儀已見於經而記復著之敖氏謂蓋備載其所聞耳

蕙田案以上記房中及宗婦贊薦之事

尸卒食而祭饔饔雍饔

注雍孰肉以尸享祭竈有功也舊說云宗婦祭饔饔亨者祭雍

饔用黍肉而已無籩豆婦之祭盛于盆尊于瓶

俎禮器曰燔燎于饔夫饔者老

其職主實鑊水饔亨之事以供外內饗故使之祭饗饔也云用黍肉而已無籩豆俎者亦約禮器云盆瓶知之

郝氏敬曰饔饔以炊黍稷雍饔以烹牲魚腊

蕙田案以上記祭饔

賓從尸俎出廟門乃反位

注賓從尸送尸也士之助祭終其事也

尸復入反位者宜與主人為禮乃去之疏送尸為終其事則更無償尸之禮若上大夫有償尸者尸出賓不送以其事終于償尸故也

蕙田案以上記賓送尸之節

尸俎右肩臂臠肫脰正脊二骨橫脊長脅二骨短脅

注

俎神俎也士之正祭禮九體貶于大夫有併骨二亦得十一之名合少牢之體數此所謂放而不致者凡俎實之數奇脊無中脅無前貶于尊者不貶正脊不奪正也正脊二骨長脅二骨者將舉于尸尸食未飽不欲空神俎疏少牢正體之數十一若牢並骨并數則十七放而不致致至也禮器注云謂若諸侯自山龍以下皆有

放象諸侯山龍以下至日月星辰卿大夫又不山龍此
士併骨二數乃得十一除此唯九而已亦是放而不至
也凡俎實之數有九有七有五是奇數以其鼎俎奇故
實數亦奇而相稱也少牢大夫禮三脊骨俱有此但有
二體貶于大夫也等貶牲體不貶正脊者不奪其正長
脅亦不貶者義與正脊同尸食未飽不欲空神俎此脊
與脅二骨本為膚三注為養用二
饌厭飫所設也

郝氏敬曰肉
無骨曰膚

離肺一注離猶瘡也小而長午割剗肺三注為尸主人

剗為魚十有五注魚水物以頭枚數陰中之物取數于

有五而俎尊卑同此所謂經而等也疏云魚水物以
頭枚數者對三牲與腊以體數也經而等禮器注云謂

若天子以下至士庶人為父母三年

腊如牲骨

注不但言體以

有一骨

二骨者

郝氏敬曰腊俎如牲骨無膚與肺也

祝俎髀脰脊二骨脅二骨

注凡接于神及尸者俎不過牲三體以特牲約加其可併

者二亦得奇名少牢饋食禮羊豕各三體疏云祝俎直云脅二骨謂代脅也以尸俎無脰脊祝則有之尸俎無代脅祝俎有代脅可知云凡接于神及尸者祝佐食賓長長兄弟宗人之等是也知皆三體者下佐食俎敵折脊脅也賓駱長兄弟及宗人折其餘如佐食俎故知皆三體也以特牲約加其可併者二骨者是尊祝也佐饋食禮羊豕各三體者二牲各三體共六體不奇者通

腊脾為乙則亦奇數也以其腊
既兩髀屬于尻不殊故為一體
膚一離肺一

胙俎臂正脊二骨橫脊長脅二骨短脅

注主人尊欲其體得祝之加數

五體又于加其可併者二亦得奇名臂左體臂也

膚一離肺一

主婦俎觶折

注觶後足折分後右足以為佐食俎不分左肱折辟大夫妻疏不用後左足者左

足太卑其餘如胙俎注餘謂脊脅膚肺

教氏繼公曰觶非正體折觶之下而取之故云觶折凡牲固皆折也然經文之例其先言體乃言折或單言折者必非正體若全體者也蓋與折俎之說不同

佐食俎觶折脊脅

注三體卑者從正定體名欲見得便用之少牢佐食俎

設于兩階之間其俎折一膚鄭注云折者擇取牢正體餘骨折分用之有脊而無薦亦遠下尸是無定體也

膚一離肺一

賓骼長兄弟及宗人折其餘如佐食俎

注 骼左骼也賓俎全體尊賓不

用尊體為其已甚卑而全之其宜可也長兄弟及宗人折不言所分畧之

敖氏繼公曰凡骼與骹連乃為全體上記兩見骹折則此骼亦非全體矣不言骼折者以其可知不必言也

衆賓及衆兄弟內賓宗婦若有公有司私臣皆骹胥

注 又

畧此所折骨直破折餘體可骹者升之俎一而已不備三者賤祭禮接神者貴凡骨有肉曰骹祭統曰凡為俎

者以骨為主貴者取貴骨賤者取賤骨貴者不重賤者不虛示均也俎者所以明惠之必均也善為政者如此故曰見政事之均焉公有司亦士之屬命于君者也私臣自己所辟除者疏接神謂長兄弟及宗人已上俎皆三皆有齊肺自衆賓已下折體而已不接神及尸膚賤無獻故也宗人雖不獻執巾以授尸亦名接也

一離肺一

蕙田案以上記俎實

公有司門西北面東上獻次衆賓私臣門東北面西上

獻次兄弟升受降飲

注獻在後者賤也祭祀有上事者貴之非執事者亦皆與旅疏衆

賓擇取公有司可執事者門外在有司羣執事中入門列在東面為衆賓餘者在門西位不執事者賤于執事

者故曰有上事者貴之宗人獻與旅齒于衆賓則公有
司為之佐食于旅齒于兄弟則私臣之中擇為賓使為
佐食者也但賓俎公有司設之兄弟胥私人為之然則
公有司私臣薦俎皆使徒肆為之與按祭統云凡賜爵
昭為一穆為一昭與昭齒穆與穆齒凡羣有司皆以齒
此之謂長幼有序此不見昭穆位者主人衆兄弟非昭
穆乎故彼注昭穆猶特牲少牢饋食之禮主人之衆兄
弟也羣有司猶衆賓下及執事者君賜之爵謂若酬之
是也若其有爵者則以爵序之何故然也案文王世子
其在外朝則以官其在宗廟之中則如外朝之位宗人
授事以爵以官是不以姓其獻之亦以官故祭統云尸
飲五君洗玉爵獻卿尸飲七以瑤爵獻大夫尸飲九以
散爵獻士及羣有司皆以齒明尊卑之等是也
以此差之知無爵者從昭穆有爵者則以官矣

蕙田案以上記公有司私臣位及受獻之次

右儀禮特牲饋食禮

五禮通考卷一百十

欽定四庫全書

五禮通考卷一百十一

刑部尚書秦蕙田撰

吉禮

大夫士廟祭

儀禮少牢饋食禮

鄭目錄云諸侯之卿大夫祭其祖禰于廟之禮于五禮屬吉禮疏鄭知

諸侯之卿大夫者曲禮下云大夫以索牛用太牢是天
子卿大夫明此用少牢為諸侯之卿大夫可知賓尸是
卿不賓尸為下大夫為異也

款氏繼公曰此篇言
大夫祭其祖之禮

欽定義疏特牲少牢皆無言及廟主之文漢儒因謂大夫
士無主然左氏傳哀十六年衛孔悝出奔宋使貳車反
祔于西園杜注云祔藏主石函則大夫有主矣大夫有
主則士亦未必無之若無主則廟中以何者依神而祖禰
何以別乎此經不言主者亦以禴祭無迎主之事故也

少牢饋食之禮

注禮將祭祀必先擇牲繫于牢而芻之
羊豕曰少牢諸侯之卿大夫祭宗廟之

牲疏羊豕曰少牢三牲具為太牢但非一牲即得牢
稱若一牲即不得牢名故郊特牲與士特牲皆不言牢

也日用丁巳

注內事用柔日必丁巳者取其令名自丁寧自變改皆為謹敬必先諏此日明日乃

筮疏舉事尚朝旦不可今日謀日即筮是以此文云日用丁巳乃云筮旬有一日是別于後日乃筮也

蕙田案日用丁巳用丁若巳之日巳十干戊

巳之巳非十二支辰巳之巳

筮旬有一日

注旬十日也以先月下旬之巳筮來月上旬之巳疏若丁巳之外辛乙之等皆然

鄭必言來月上旬不用中旬下旬者吉事先近日故也

筮於廟門之外主人朝服

西面於門東史朝服左執筮右抽上韝兼與筮執之東

面受命于主人

注史家臣主筮事者疏主人朝服者為祭而筮還服祭服是以上篇特牲筮

亦服祭服玄端以此而言天子諸侯為祭卜筮亦服祭服若為他事卜筮則異于此

教氏繼公曰特牲言筮人此言史蓋互文也以丁巳之日而筮丁巳乃云旬有一日則是并筮日之日而數之也古者數日之法於此可見

主人曰孝孫某來日丁亥用薦歲事於皇祖伯某以某

妃配某氏尚饗

注丁未必亥也直舉一日以言之耳禘于太廟禮曰日用丁亥不得丁亥則已

亥卒亥亦用之無則苟有亥焉可也薦進也進歲時之祭事也皇君也伯某祖字也大夫或因字為謚春秋傳

曰魯無駭卒請謚與族公命以字為展氏是也若仲叔季亦曰仲某叔某季某也某妃某妻也合食曰配某氏

若言姜氏子氏也疏春秋宣八年辛巳有事于太廟文二年八月丁卯大事于太廟昭十五年二月癸酉有

事于武宮桓十四年巳亥嘗此等皆不獨用丁巳之日也

楊氏復曰上文日用丁巳謂十干丁日巳日也如丁亥巳亥之類是也下文來曰丁亥亦舉一端以明之耳注家乃云不得丁亥則巳亥辛亥無則苟有亥焉可也此則不論十干之丁巳而專取十二支之亥以爲解其失經文之意遠矣

敖氏繼公曰此惟云丁亥特見其一耳必言丁亥者以其爲六丁之末者故設言之也末者且用則其上者可知矣巳日亦宜如之

欽定義疏疏引春秋諸祭日見凡柔日皆可用不但丁巳也上云丁巳亦舉之以見例耳歲事四時之祭事

春露秋霜之義亦不疏不數之期也則歲以四舉明
矣稱祖之字諱名不諱字如子思作中庸稱仲尼是
也注謂大夫因字為謚蓋生時名字兩稱卒哭乃諱
則諱其名而專稱字字有謚之義非以此直為謚法
之謚也以某妃配某氏所謂同几精氣合也陰統于
陽故但祭其祖而妣已兼之矣若祖歿而妣尚存者
不用此辭可知也以某妃配若言伯某之妃也又舉
某氏以實之

史曰諾西面於門西抽下韉左執筮右兼執韉以擊筮

注將問吉凶焉故擊之以動其神易曰著之德圓而神遂述命曰假爾大筮有常

孝孫某來日丁亥用薦歲事於皇祖伯某以某妃配某

氏尚饗

注述循也重以主人辭告筮也假借也言因著之靈以問之常吉凶之占繇

教氏繼公曰大者尊之之辭有常謂其常常如此也孝孫某以下之辭則所謂述命也

蕙田案有常乃吉凶不差忒之義教氏訓常

常如此未的假爾大筮以下即述命之辭疏

云述命訖乃連言離而為二非也

乃釋贛立筮

注卿大夫之著長五尺立筮由便

卦者在左坐卦以木卒

筮乃書卦于木示主人乃退占

注卦者史之屬也卦以木者每一爻畫地以識

之六爻備書于板史受以

示主人退占東面旅占之

教氏繼公曰退退于其位也此占者亦當三人

吉則史贛筮史兼執筮與卦以告於主人占曰從

注從者求

吉得吉之言疏筮而得

乃官戒宗人命滌宰命為酒

乃退

注官戒戒諸官也當共祭祀事者使之具其物且齊也滌溉濯祭器埽除宗廟

若不吉則及遠日又筮曰如初

注及至也遠日後丁若後已

蕙田案以上前十日筮日

宿

注宿讀為肅肅進也大夫尊儀益多筮日既戒諸官以齋戒矣至前祭一日又戒以進之使知祭日當來

古文宿皆作羞

前宿一日宿戒尸

注前肅諸官之日又先肅尸者重所用為尸者又為將筮

疏肅諸官之日前又先肅尸當祭前二日也肅諸官惟一肅尸有再肅是重所用為尸者故也宿與戒前後名不同今合言之者以前有十日之戒後有一日之宿若單言戒嫌同十日若單言宿嫌同一日故宿戒並言明其別也

教氏繼公曰宿戒尸者凡可為尸者皆宿戒之為將筮也

蕙田案前宿一日祭前三日也疏云當祭前

二日盛世佐云祭前四日俱非

明日朝服筮尸如筮日之儀命曰孝孫某來日丁亥用薦
歲事於皇祖伯某以某妃配某氏以某之某為尸尚饗
筮卦占如初注某之某者字尸父而名尸也字尸父尊
鬼神也不前期三日筮尸者大夫下人君
祭之朝乃視濯與士共疏曲禮父在不為尸注云尸
卜筮無父者若然凡為人尸者父皆死矣死者當諱其
名故上某是尸之父字下某為
尸名以不稱名是尊鬼神也

蕙田案此祭前二日也盛世佐謂戒尸之明
日即宿諸官之日而以特牲禮前期三日之

朝筮尸為與此同其說非是

吉則乃遂宿尸祝擯

注筮吉又遂肅尸重尸也既肅尸乃肅諸官及執事者祝為擯者尸

神象疏案特牲使宗人擯主人辭又有祝共傳命者士卑不嫌兩有與人君同此大夫尊下人君故闕之

蕙田案云乃遂則即筮尸之日盛氏世佐以為此前祭一日事與筮尸隔越兩日亦非是下云若不吉則遂改筮尸文在宿尸之後則筮尸宿尸同為一日益明

主人再拜稽首祝告曰孝孫某來日丁亥用薦歲事於

皇祖伯某以某妃配某氏敢宿

注告尸以主入為此事來

尸拜許諾

主人又再拜稽首主人退尸送揖不拜

注尸不拜者尸尊

若不

吉則遂改筮尸

注即改筮之不及遠日者以日為祭祀本須

取丁巳之類故須取遠日後旬丁此筮尸不吉不須退至後旬故筮不待遠日也

蕙田案以上筮尸宿尸及宿諸官

既宿尸反為期于廟門之外

注為期肅諸官而皆至定祭早晏之期為期亦夕時

也言既肅尸反為期

明大夫尊肅尸而已其為賓及執事者使人肅之疏宿尸及宿諸官與為期皆于祭前

日主人門東南面宗人朝服北面曰請祭期主人曰比

于子注比次早晏在于子也主人不西面者大夫尊于諸官有君道也為期亦唯尸不來也

郝氏敬曰
比猶隨也

宗人曰旦明行事主人曰諾乃退

注旦明旦日質明

蕙田案特牲祭前三日筮尸前二日宿尸宿

賓前一日陳鼎告期少牢前三日宿戒尸前

二日筮尸宿尸前一日請期皆可準經以推

而諸說多淆雜如特牲筮尸經明言前期三

日之朝矣下云乃宿尸宿賓則未知其為即

日為明日今據宿賓下云厥明夕有陳鼎拜
賓視牲告期等事又云夙興則祭日視殺陳
設等事矣則宿尸宿賓之為前二日于此可
推若依教君善筮尸宿尸宿賓同在祭前三
日則下云厥明夕云夙興夕不相接輾其誤
可知少牢云前宿一日宿戒尸此祭前三日
注疏以為前二日盛世佐以為前四日皆非
是云明日朝筮尸此祭前二日注疏以為前

一日盛氏以為前三日同於特牲筮尸之期亦皆非是云吉則乃遂宿尸言乃遂明同日為之盛氏以為前祭一日亦非是至宗人請期日旦明行事則祭前一日之事諸家並同無悞二禮所以不同者少牢有宿戒尸而特牲無之大夫尊尸益重儀益詳也特牲筮尸前三日而少牢前二日士無宿戒然當三日致齊之時未可缺然無事故筮尸較移前一

日且第二日宿尸又多一宿賓之事難以一
日併行也特牲宿賓而少牢不宿賓者大夫
於賓有君臣之分無煩親肅不宿賓而止宿
尸可與筮尸同日行之也諸家以意推測與
經不符而郝京山則云禮文多錯舉一日至
三日皆可筮則尤為鶻突矣

蕙田案以上宗人請祭期

楊氏復曰少牢禮與特牲禮輕重詳畧不同少牢禮
日用丁巳者注云取其令名丁自丁寧巳自變改皆

為敬謹之意特牲不諏日者士卑時至事暇可以祭則筮其日矣不必諏丁巳之日如大夫禮玄冠一冠冠兩服其一玄端其一朝服朝服重於玄端特牲士禮故筮則玄端至祭而後朝服少牢大夫禮筮與祭皆朝服也特牲筮人筮筮人者官名周禮春官有筮人是也少牢禮史筮史者家臣主筮事者所謂府史是也特牲坐筮少牢立筮不同者注云士著短故坐筮卿大夫著長五尺故立筮各由其便也特牲少牢皆筮尸但特牲無宿戒尸之文少牢宿戒尸而後筮者重所用為尸者亦大夫尊儀益多也特牲有宿賓之禮少牢不宿賓者大夫尊肅尸而已其為賓事者使人肅之特牲無為期少牢為期者重其事也為期之日主人門東南面不西南

者大夫尊于諸官有君道也

陳氏禮書士前祭立于廟門者五筮日一也筮尸二也前祭之夕將視濯具揖入三也既視復外位而請

期四也祭之日視殺揖入五也大夫前祭立于廟門者四筮日一也筮尸二也既宿尸而請期三也祭之日視殺入四也

明日主人朝服即位于廟門之外東方南面宰宗人西

面北上牲北首東上司馬刲羊司士擊豕宗人告備乃

退

注刲擊皆謂殺之此實既省告備乃殺之文互者省文也尚書傳羊屬火豕屬水疏案特牲視牲與視

殺別日今少牢不言視牲直言刲擊告備乃退者省文也祭義云君牽牲穆荅君卿大夫序從既入門麗于碑

卿大夫袒而毛牛尚耳諸侯禮殺于門內此大夫與特牲士皆殺于門外者辟人君也

楊氏復曰雜記曰大夫冕而祭于公弁而祭于己士弁而祭于公冠而祭于己大夫爵弁自祭家廟惟孤

耳其餘皆玄
冠與士同

陳氏禮書大夫士無裸禮故殺牲而後迎牲迎牲而後迎尸天子諸侯有裸禮故迎尸而後迎牲

欽定義疏東上羊在東豕在西也

蕙田案以上視殺

雍人概鼎匕俎于雍爨雍爨在門東南北上

注雍人掌割亨之事

者爨竈也在門東南統于主人北上羊豕魚腊皆有竈竈西有鑊凡概者皆陳之而後告潔

教氏繼公曰概猶拭也既筮日而宗人命滌皆已濯之故此但概之為去塵也

廩人概飀飀匕與敦于廩爨廩爨在雍爨之北

注廩人掌米入

之藏者甌如甌一孔也所以也黍稷者也古文甌為烝
疏案冬官陶人職云甌實二鬴厚半寸脣寸甌實二
鬴厚半寸脣寸七穿鄭司農云甌無底甌以其無
底故以一孔解之上雍人七肉此廩人七黍稷

教氏繼公曰甌則
炊之七則出之

司宮概豆籩勺爵觚觶几洗篚于東堂下勺爵觚觶實
于篚卒概饌豆籩與篚于房中放于西方設洗于阼階

東南當東榮

注放猶依也大夫攝
官司兼掌祭器也

郝氏敬曰豆至篚共九器而篚即盛勺爵觚觶者卒
概試畢也房中之篚盛主婦獻酬之易爵也放置也
陳氏禮書士遠君而伸故視濯具與視殺異
曰大夫近君而屈故視濯具與視殺同日

蕙田案以上概器

羹定雍人陳鼎五三鼎在羊鑊之西二鼎在豕鑊之西

注魚腊從羊膚從豕統于牲疏上文概鼎時鄭云羊豕魚腊皆有龜今陳鼎宜各當其鑊此三鼎在羊鑊之西二鼎在豕鑊之西故云魚腊從羊膚從豕其實羊豕魚腊各有鑊也士虞禮側亨于廟門外之右東面魚腊鬯在其南士之魚腊皆有鬯則大夫魚腊皆有鑊有龜也

郝氏敬曰陳鼎五羊豕魚腊膚也鑊大釜以煮肉陳鼎就鑊以便升也

司馬升羊右胖髀不升肩臂膈膊脰正脊一脰脊一橫脊一短脅一正脅一代脅一皆二骨以並腸三胃三舉

肺一祭肺三實于一鼎

注升猶上也上右脾周所貴也
醢不升近竅賤也肩臂臑肱骨

膊股骨脊從前為正脊旁中為正脊先前脊後屈
而反猶器之綽也並併也脊脊骨多六體各取二骨併
之以多為貴舉肺一尸食所先舉也祭肺三為尸主人
主婦 疏上十一體言一者見其體也下言皆二骨以
並見一體皆有二骨也凡牲體四支為貴故先序肩臂
臑膊膊于上是尊然後序脊脊于下是卑二骨以並据
脊脊可知 司士升豕右胖髀不升肩臂臑膊肱正脊一脰
知也

脊一橫脊一短脊一正脊一代脊一皆二骨以並舉肺

一祭肺三實於一鼎

注豕無腸胃君
子不食膈腴

雍人倫膚九實於

一鼎

注倫擇也膚骨革肉擇之取美者 疏下文云
膚九而俎亦橫載革順故知膚是骨革肉也

司

士又升魚腊魚十有五而鼎腊一純而鼎腊用麋

注司士又

升副倅者合升左右胖曰純純猶全也疏下經云司士三人明是副倅者非升豕者可知倅亦副之別名

卒胥皆設局匱乃舉陳鼎于廟門之外東方北面上

注北面北上鄉內相隨

郝氏敬曰胥烝同升也卒胥升鼎畢也

蕙田案牲體說詳見前宗廟制度門

司宮尊兩甒于房戶之間同於皆有罍甒有玄酒

注房戶之

間房西室戶東也於無足禁者酒戒也大夫去足改名優尊者若不為之戒然疏持牲用於仍云禁此改名

於是優尊者若不為神戒然鄉飲酒雖是大夫禮猶名斯禁者尋常飲酒異於祭祀也

敖氏繼公曰於即所謂於禁也惟言於文省耳設尊即加冪者甌其無蓋與

司宮設罍水于洗東有枋設篚于洗西南肆

注枋料也凡設

水用罍沃盥用枋禮在此也

疏設水用罍沃盥用枋

言凡總儀禮內凡用水者皆須罍盛之沃盥水者皆用

枋為之士冠禮直言水在洗東士昏鄉飲酒特牲記亦

云然皆不言罍器亦不云有枋其燕禮大射雖云罍水

又不言有枋故注總云凡此等設水用改饌豆籩于房

罍沃盥用枋其禮具在此故餘文不具

中南面如饋之設實豆籩之實

注改更也為實之更之威儀多也如饋之設如

其陳之左右也饋設東面

教氏繼公曰案注云饋設東面以見其異者此耳

小祝設槃匱與簞巾於西階東

注為尸將盥

蕙田案以上實鼎陳設器饌

教氏繼公曰禮文多互見如特牲言腊醢不升則盂醢可知獨尸祖云不用醢則是獨牲祖猶用也故祝

祖有豕醢少牢神祖言羊豕醢不升則特牲神祖可知少牢脂用麋特牲用兔可知少牢尊兩甒醢酒於

禁幕不言覆兩甒明日卒奠皆互見也他可類推

主人朝服即位於阼階東西面

注為將祭也盥革順論祭時將至布

設舉鼎也

司宮筵於奧祝設几於筵上右之

注布陳神坐也室中

西南隅謂之奧席東而近南為右疏案特牲云祝筵
几此司宮設席祝設几大夫官多故使兩官共事亦是
接神故祝
設几也

蕙田案以上即位設筵几

主人出迎鼎除鬲士盥舉鼎主人先入

注道之也主人不盥不舉疏

特牲主人降及賓盥士禮自舉鼎大夫尊不舉故不盥

司宮取二勺於篚洗之兼

執以升乃啟二尊之蓋霏奠於於上加二勺於二尊覆

之南枋

注二尊兩觚也疏二勺兩尊用之玄酒雖有不酌重古如酌者然也

鼎序入饗

正執一匕以從饗府執四匕以從司士合執二俎以從

司士贊者二人皆合執二俎以相從入

注相助

敖氏繼公曰饗正饗人之長府其佐也七先祖後變于君禮也

陳鼎於東方當序南於洗西皆西面上膚為下七皆

加於鼎東枋

注膚為下以其加也南于洗西陳于洗西疏膚為下門外陳鼎時不言至此言

之者以膚者豕之實前陳鼎在門外時未有俎據鼎所陳則膚在魚上今將載于俎設之最在後故須分別之也羊無別俎而豕有膚俎故謂之加

郝氏敬曰陳鼎以羊豕魚腊膚為序

俎皆設於鼎西西肆所俎在羊俎之北亦西肆

注所俎在北將

先載也異其設文不常鼎

宗人遣賓就主人皆盥于洗長杞

注長杞者長賓

先次賓後也主人不杞言就主人者明親臨之古文杞作乚

欽定義疏下文明言佐食二人升羊豕司士三人升魚

腊膚升之者即杞之者也據公食禮大夫長乚舉鼎

之左人載士虞禮佐食及執事舉鼎入長在左左人

乚佐食及右人載皆一乚一載對言若一人乚又一

人升則無位置之法矣注以賓為長賓次賓于下經

不合又案易稱震驚百里不喪乚鬯百里者諸侯

之象是諸侯于廟祭也牲薦鬯必親之也周官大僕贊王牲事注謂殺牲也載之屬是天子亦視之也少牢大夫不親也下入君也特牲士親也卑不嫌也

佐食上利升牢心舌載於所俎心皆安下切上午割勿沒其載於所俎未在上舌皆切本末亦午割勿沒其載

於所橫之皆如初為之於爨也

注牢羊豕也安平也平割其下於載便也凡割

本末食必正也午割便可絕勿沒為其分散所之為言敬也所以敬尸也周禮祭尚肺事尸尚心舌心舌知滋味今文切皆為刑

郝氏敬曰佐食二人長為上利利食也佐食之號午割一縱一橫割勿沒不斷也

佐食遷所俎於阼階西西縮乃反佐食二人上利升羊載右胖髀不升肩臂臑膊髀正脊一胛脊一橫脊一短胛一正胛一代胛一皆二骨以並腸三胃三長皆及俎拒舉肺一長終肺祭肺三皆切肩臂臑膊髀在兩端脊脅肺肩在上注升之以尊卑載之以體次各有宜也拒讀為介距之距俎距脰中當橫節也凡牲體之數及載備于此疏云肩臂臑膊髀在兩端脊脅肺肩在上者此是在俎之次俎有上下猶牲體有前後故肩臑在上端膊髀在下端脊脅肺在中其載之次序肩臂臑正脊脰脊橫脊代胛長胛短胛肺腸胃膊髀也

在雞足為距在俎則俎足中央橫者也此經即折前體
肩臂臑兩相為六後體膊腋兩相為四短脅正脅代脅
兩相為六脊有三總為十九體唯不數穀二通之為二
十一體二穀正祭不薦于神尸故不言是牲體之數備
於此上經云升于鼎此經
云載于俎是載備于此也

蕙田案凡牲體有豚解有體解豚解者解牲
為七體一脊兩脅兩肱兩股也脅者肋骨亦
謂之胎肱者前脰骨謂之肩股者後脰骨謂
之髀胎及肩髀皆以左右分通一脊而為七
體體解者即豚解之七體而折解之為二十

一體折脊骨為三前為正脊中為脰脊後為橫脊脅骨三前為代脅中為長脅亦名正脅亦名幹後為短脅合左右兩脅為六肱骨三上為肩中為臂下為臑合左右兩肱為六股骨三上為髀中為肱亦名膊下為髌合左右兩股為六也至正脊之前肩之上當頸處謂之脰亦謂之膑脰之下後足之末近蹄者謂之骹膑一而骹兩皆不在正體之數少牢饋

食所陳凡十一體而鄭氏以為牲體之數備於此者蓋肩臂肱合兩胖為六膊髀合兩胖為四短脅正脅代脅合兩胖亦六脊有三總為十九體兩髀雖以近竅之故賤之而不升然究屬正體通數之得二十一體則牲體之數備矣特牲尸俎用九體肩臂肱膊髀正脊橫脊長脅短脅而無胾脅代脅

又案肺上不言腸胃省文耳敖氏以為文脫

張爾岐以肩為胃字之誤皆非

下利升豕其載如羊無腸胃體其載于俎皆進下

注進變

于食生也所以交于神明不敢以食道敬之至也鄉飲酒禮進腍羊次其體豕言進下互相見

張氏爾岐曰食生人之法進輦輦骨之本下骨之末進下者以骨之末向神也

教氏繼公曰進下謂以每體之下鄉神位

盛氏世佐曰無腸胃著其異于羊者

司士三人升魚腊膚魚用鮒十有五而俎縮載右首進

腍注右首進腍亦變于食生也有司載魚橫之少儀曰羞濡魚者進尾

叔氏繼公曰魚之進腴猶牲之進下也魚以腴為下
髻為上右首而進腴則亦寢右矣士喪奠用食生之
禮其魚則左首
進髻與此異

蔡氏德晉曰鮒鯽魚
也其性相附故曰鮒

腊一純而俎亦進下肩在上

注如羊豕凡腊之體載禮
疏諸經唯有腊文

無升載之事
唯此有之

蕙田案獸肉之乾者謂之腊腊亦先豚解次

體解與解牲之制同一純而俎謂全載于俎

如牲也

膚九而俎亦橫載革順

注列載于俎亦其骨體

疏此其皮相順亦者

羊豕骨體亦橫載可知

郝氏敬曰革皮也以肉皮向上相順比也

蕙田案以上舉鼎七載

卒脅祝盥於洗升自西階主人盥升自阼階祝先入南

面主人從戶內西面

注將納祭也再拜稽首論先

疏自此盡主人又設置為陰厭之事

也主婦被錫衣侈袂薦自東房韭菹醢醢坐奠於筵前

主婦贊者一人亦被錫衣侈袂執葵菹羴醢以授主婦

主婦不興遂受陪設於東韭菹在南葵菹在北主婦興

入於房

注被錫讀為髮髻古者剔賤者刑者之髮以被婦人之紒為飾因名髮髻焉此周禮所謂次也

不纚笄者大夫妻尊亦衣綃衣而侈其袂耳侈者蓋半士妻之袂以並之衣三尺三寸袂尺八寸韭菹醢醢朝為之豆也而饋食用之豐大夫禮葵菹在北爭今文錫為錫羸為蠋疏云贊一人亦被錫則其餘當與士妻同纚笄綃衣士妻與婦人助祭皆綃衣服窮則同也

欽定義疏召南詩被之僮僮毛傳云被首飾也鄭箋云

此即周官所謂次也孔疏云被即次也追師掌為副

編次注云次次第長短髮為之據此則被乃婦人首

飾之名周官追師掌王后首服副編次注疏謂三翟
衣首服副副所以覆首鞠衣展衣首服編編編列髮
為之祿衣首服次次第髮長短為之所謂髮髻禮
記夫人副褱立于東房詩衛風副笄六珈此副也詩
召南被之僮僮被之祁祁此主婦被則次也

敖氏繼公曰錫紃通皆當作緣字之誤也緣祿通內
司服職曰緣衣素沙是也內子祭服緣衣而又侈其
袂焉所以甚別於士妻之祭服也卿大夫之妻展衣
為上緣衣次之此自祭于家故服其次者辟助祭于
公也

郝氏敬曰錫光澤也如錫衰之
錫漢人云曳阿錫侈袂大袖也

欽定義疏周官內司服掌王后之六服褱衣揄翟闕翟
鞠衣展衣緣衣鄭注賈疏三翟衣皆祭服王后褱衣
二王後之夫人亦褱衣侯伯夫人揄翟子男夫人闕
翟內命婦之服鞠衣九嬪也展衣世婦也緣衣女御
也外命婦其夫孤則服鞠衣卿大夫則服展衣士則
服緣衣也此六服之序上文主婦之被既為次則錫
衣當是緣衣緣字與緡相似一訛而為緡再訛而為

錫有由然也

又案王藻士祿衣亦謂其妻也追師

注衣鞠衣展衣者服編衣緣衣者服次次亦名髮髻
采藻詩又謂之被則被字自可以髮髻釋之不必改
讀被錫二字為髮髻也古者男女吉凶之衣衣身二
尺二寸袂亦二尺二寸袪則一尺二寸其下圓殺之
侈袂者蓋不圓殺其下而袂亦二尺二寸耳婦服雖
連衣裳而衣裳固各自為度也若三尺三寸則衣太
長裳太短不稱其體矣况男子之殊衣裳者乎說見

喪服記 又案特牲士妻主婦綃衣疏云綃衣六服外之下者以士妻緣衣外更無衣故特牲自祭辟助祭於公則服六服外之綃衣若大夫妻助祭於公服展衣少牢自祭則有士妻之祿衣可服又何必服六服外之綃衣耶鄭注大夫妻尊亦衣綃衣未確

蕙田案莊子禿而施髮即此被字錫漢樂府云曳阿錫注云細布言布滑易如錫也以細布為衣而侈其袂即祿衣也祿衣與綃衣俱

以布為之服祿衣者首服次次即被也

佐食上利執羊俎下利執豕俎司士三人執魚腊膚俎
序升自西階相從入設俎羊在豆東豕亞其北魚在羊
東腊在豕東特膚當俎北端

注相
助也

蕙田案此設五俎于尸席執俎之人以序而
升相從而入相如字不必讀作去聲

主婦自東房執一金敦黍有蓋坐設於羊俎之南婦贊
者執敦稷以授主婦主婦興受坐設於魚俎南又興受

贊者敦黍坐設於稷南又興受贊者敦稷坐設於黍南

敦皆南首主婦興入於房

注敦有首者尊者尊者器飾也飾蓋象龜周之禮飾器各以其

類龜有上下甲

教氏繼公曰金敦以金飾之也四敦皆然特見其一耳

欽定義疏凡敦皆有首足士喪禮用瓦敦而曰面足有

足則有首可知是首非飾也啟會而猶云面足則首

足之象亦不專在於蓋矣此以金為飾則瓦敦其不

飾者與特牲禮先云兩敦後云佐食分簋鉶二者互

言之則一器而二名明矣至其形制前人訖無定說
闕之可也

蕙田案此主婦親設四敦敦形似獸而首向南耳注何所據而必象龜形耶

祝酌奠遂命佐食啟會佐食啟會蓋二以重設於敦南
注酌奠酌酒為神奠之後酌者酒尊要成也特牲饋食禮曰祝洗酌奠奠于銅南重累之疏迎尸之前將為陰厭為神不為尸故云為神奠之

高氏愈曰諸侯有鬱鬯以灌地降神大夫無之
止酌酒奠神而神若來享之故祝遂出迎尸也

主人西面祝在左主人再拜稽首祝曰孝孫某敢用柔毛剛鬣嘉薦普淖用薦歲事於皇祖伯某以某妃配某氏尚饗主人又再拜稽首

注羊曰柔毛豕曰剛鬣嘉薦菹醢也普淖黍稷也晉

大也淖和也德能大和乃有黍稷春秋傳曰奉盛以告曰絜粢豐盛謂其三時不害而民和年豐也

張氏爾岐曰牲物異號以殊人用也

蕙田案以上迎尸之前設饌祝神曰陰厭

祝出迎尸於廟門之外主人降立於阼階東西面祝先

入門右尸入門左

注主人不出迎尸仲尊也特牲饋食禮曰尸入主人及賓皆辟位出亦如

之祝入門右者辟尸盥也既則後尸疏自宗人奉槃

此盥牢肺正脊加于所論尸入正祭之事

東面于庭南一宗人奉匱水西面于槃東一宗人奉簞

巾南面于槃北乃沃尸盥于槃上卒盥坐奠簞取巾興

振之三以授尸坐取簞興以受尸巾

注庭南沒雷疏庭南者于庭近南

是沒盡門屋雷近門而盥也是以特牲亦云

尸入門北面盥繼門而言即亦此沒雷者也

蕙田案舊監本脫以授尸坐取簞興七字今

依敎氏本及新刊本添入

祝延尸尸升自西階入祝從

注由後詔相之曰延延進也周禮曰大祝相尸禮祝

從尸升主人升自阼階祝先入主人從注祝接神先入宜也

蕙田案以上尸入

尸升筵祝主人西面立于戶內祝在左注主人由祝後而居右尊也祝

從尸即席乃卻居主人左祝主人皆拜妥尸尸不言尸答拜遂坐

注拜妥尸拜之使安坐也尸自此答拜遂坐而卒食其間有不啐奠不嘗銅不告旨大夫之禮尸彌尊也不告旨者為初亦不饗所謂曲而殺

盛氏世佐曰不祝饗與士禮異者以有償尸于堂之禮故畧之與

祝反南面注未有事也墮祭爾敷官各肅其職不命

教氏繼公曰妥尸事畢也南面云反以見從尸入時位在此

蕙田案以上妥尸

尸取韭菹辨換於三豆祭於豆間上佐食取黍稷于四敦下佐食取牢一切肺於俎以授上佐食上佐食兼與

黍以授尸尸受同祭於豆祭

注牢羊豕也同合也合祭於俎豆之祭也黍稷之祭

為墮祭將食神餘尊之而祭之今文辨為編疏陰厭是神食後尸來即席食尸飯鬼神之餘故尸亦尊神而祭之

楊氏復曰切肺祭肺也三取其一也俎豆當作菹豆

上佐食舉尸牢肺正脊以授尸上佐食爾上敦黍於筵

上右之

注爾近也或曰移也右之便尸食也重言上佐食明更起不相因

楊氏復曰案賈疏授尸下有尸受祭肺四字

主人羞胔俎升自阼階置於膚北

注羞進也胔敬也親進之主人敬尸之加

疏為尸特加故云加

蕙田案此主人親設胔俎

上佐食羞兩鉶取一羊鉶於房中坐設於韭菹之南下
佐食又取一豕鉶於房中以從上佐食受坐設於羊鉶

之南皆芼皆有柶尸扱以柶祭羊鉶遂以祭豕鉶嘗羊

鉶

注芼菜也羊用苦豕用薇皆有滑疏芼菜者菜是地之芼知羊用苦豕用薇皆有滑者按公食大夫記

云鉶芼牛藿羊苦豕薇皆有滑是也

蕙田案此二佐食羞羊鉶豕鉶

食舉

注舉牢肺正脊也先食啗之以為道也疏特牲舉肺脊以授尸注肺氣之主也脊體之貴也先食

啗

之所以道

三飯

注食以黍

上佐食舉尸牢幹尸受振祭臠

之佐食受加於肝

注幹正膋也古文幹為肝疏上文食舉是正脊故知此食幹亦先取正

也

膋上佐食羞載兩瓦豆有醢亦用瓦豆設於薦豆之北

注設于薦豆之北以其加也四豆亦絳羊尸又食食載載在南豕載在北無臚臚者尚牲不尚味

上佐食舉尸一魚尸受振祭臠之佐食受加於所橫之

注又復也或言食或言飯食大名小數曰飯魚橫之者異于肉疏少牢特牲言三飯五飯九飯之等据一口

謂之一飯五口謂之五飯故云小數曰飯又食上佐食舉尸腊肩尸受振祭

臠之上佐食受加于所注腊魚皆一舉者少牢二牲畧之腊必舉肩以肩為終也別舉

魚腊崇威儀疏特牲獸魚常一時又食上佐食舉尸同舉而此獸魚別舉故云崇威儀

牢骼如初注如舉又食注不舉者卿大夫之禮不過五舉須脩尸疏云五舉者舉牢

肺脊一也牢幹二也一魚尸告飽祝西面於主人之南三也腊肩四也牢骼五也

獨侑不拜侑曰皇尸未實侑

注侑勸也祝獨勸者更則尸飽實猶飽也祝既侑復

反南面疏此與特牲皆有尸飯法天子諸侯亦常有

之故大祝九拜之下云以享侑祭祀注云侑勸尸食而

拜若然士三飯即告飽而侑天子十一飯而侑告飽而

諸侯九飯告飽而侑天子十一飯而侑也

陳氏禮書飯必告飽而告飽必侑侑禮有拜以致其

敬有辭

以道其勤有樂以樂其心特牲尸告飽祝侑

主人拜少牢尸告飽主人拜侑此拜以致其敬也少

牢祝侑曰皇尸未實侑此辭以道其勤也大祝逆尸

令鐘鼓侑亦如之此樂以樂其心也然特牲三飯告

飽而侑少牢七飯告飽而侑則九飯三侑飯寡而侑

多十一飯再侑飯多而侑寡者蓋禮殺者儀感故告

飽速而侑多禮隆者儀紓故告飽遲而侑少此侑禮

所以不同也

尸又食上佐食舉尸牢肩尸受振祭臍之佐食受加於

所

注四舉牢體始于正脊終于肩尊于始終疏正脊及肩皆體之貴者故先舉正脊為食之始後舉肩為

食之

尸不飯告飽祝西面於主人之南

注

祝當贊主人辭疏以其西

面是祝之有事之位主人不言拜侑

注祝言而不拜主人不言而拜親踧

故從南向西面位也

宜尸又三飯

注為祝一飯為主入三飯尊卑之差凡十一飯下人君也

上佐食受尸

牢肺正脊加於所

注言受者尸授之也尸授牢幹而實舉于菹豆食畢操以授佐食焉疏

上文初食舉不言置舉之所至此尸十一飯後乃言上佐食受尸牢肺正脊加于所者約特牲舉肺脊其時尸

實舉于菹豆今尸食畢尸乃于菹豆上取而授上佐食

蕙田案以上正祭尸食

蕙田案禮以饋食為名故正祭先饋黍牢至

醑尸乃酌酒獻為初獻

主人降洗爵升北面酌酒乃醑尸尸拜受主人拜送

注醑

猶羨也既食之又飲之所以樂之古文醑作酌
自此盡折一膚論主人醑尸之事醑取饒羨之義故以
為樂之也尸祭酒啐酒賓長羞牢肝用俎縮執俎肝亦縮進

末鹽在右

注羞進也縮從也鹽在肝右便尸

換之古文縮為感尸左執爵

右兼取肝換於俎鹽振祭齊之加于菹豆卒爵主人拜

祝受尸爵尸答拜

注兼兼
羊豕

蕙田案以上主人酌尸

祝酌受尸尸酌主人主人拜受爵尸答拜主人西面奠

爵又拜

注主人受酢酒俠爵拜彌尊尸
已
是尊尸主人拜受訖又拜為俠拜是彌尊尸

也

蕙田案祝酌受尸受當作授教本及新刊本

並同

上佐食取四敦黍稷下佐食取牢一切肺以授上佐食

上佐食以綏祭

注綏或作接按讀為墮將受嘏亦尊尸餘而祭之疏周禮守祫既葬則藏其

墮取墮減之義也主人受嘏之時先墮祭是以佐食授黍稷與主人為墮禮

主人左執爵右

受佐食坐祭之又祭酒不興遂啐酒

注右受佐食右手受墮于佐食也至

此言坐祭之者明尸與主人為禮也尸恒坐有事則起主人恒立有事則坐疏禮器云周坐尸曲禮立如齊

鄭云齊謂祭祀時祝與二佐食皆出盥於洗入二佐食各取黍

於一敦上佐食兼受搏之以授尸尸執以命祝

注命祝以嘏辭

疏謂命祝使出嘏辭以嘏于主人下文是也

教氏繼公曰三人皆為將執所嘏之物而盥敬其事也

卒命祝祝受以東北面于戶西以嘏于主人曰皇尸命

工祝承致多福無疆于女孝孫來女孝孫使女受祿于

天宜稼于田眉壽萬年勿替引之

注嘏大也予主人以大福工官也承猶傳

也來讀曰釐釐賜也耕種曰稼勿猶無也替廢也引長也言無廢止時長如是也疏案特牲尸親嘏主人此使祝嘏者大夫尸尊故不親時牲無嘏文不具也

蕙田案敖氏讀來如來禹之來為是

主人坐奠爵興再拜稽首興受黍坐振祭嘑之詩懷之實于左袂挂于季指執爵以興坐卒爵執爵以興坐奠

爵拜尸答拜執爵以興出宰夫以籩受鬻黍主人嘗之

納諸內

注詩猶承也實于左袂便右手也季猶小也出出戶也宰夫掌飲食之事者收歛曰鬻明豐年

乃有黍稷也復嘗之者重之至也納猶入也

蕙田案以上尸醕主人命祝嘏

主人獻祝設席南面祝拜於席上坐受

注室中迫狹疏大夫士廟室

皆兩下五架正中曰棟棟南兩架北亦兩架棟南一架名曰楣前承簷以前名曰殿棟北一架為室南壁而開戶即是一架之開廣為室故云迫狹也

蕙田案室在堂北室於堂居四之一天子至

大夫士並同不獨大夫士為迫狹亦不因四

注而下分廣狹也郝仲興謂室為事神行禮

陳設之所非狹也禮豈因地狹遂簡是也

主人西面答拜

注不言拜送下尸

薦兩豆菹醢

注葵菹羸醢醢是

饋食之豆當饋食之節今祝用之亦其常事

蕙田案薦者教氏以為宰夫姜上均以為主

婦盛世佐泛云有司當以盛說為是教氏又

以朝事之豆易饋食之豆亦不可從

佐食設俎牢髀橫脊一短脅一腸一胃一膚三魚一橫

之腊兩髀屬於尻

注皆升下體祝賤也魚橫者四物共

疏髀與短脅橫脊皆羊豕之下體屬於尻又腊之下體為祝賤故也魚獨在俎縮載今橫者為四物共俎橫而殊之也縮有七物而云四物者据羊豕魚腊也羊豕體不屬於尻以腊用左右髀故有兩髀尻在中髀與尻相連屬不殊是尤賤也

蕙田案祝俎一而雜用五俎之物是祝賤之

教氏以為見其尊未的

祝取菹換于醢祭於豆間祝祭俎

注大夫祝俎無肺祭用膚遠下尸不齊之

膚不盛 疏特牲尸俎有祭肺離肺祝俎有離肺無祭肺是下尸今大夫祝離肺祭肺俱無是遠下尸也離肺祭訖齊之加于俎今以祭酒啐酒肝牢從祝取肝換于膚替肺是不盛故不齊

鹽振祭齊之不興加于俎卒爵興

注亦如佐食授爵乃興不拜既爵大夫祝

賤也 疏特牲祝卒爵則拜士卑故祝不賤

蕙田案肝牢當從敖氏作牢肝

主人酌獻上佐食上佐食戶內牖東北面拜坐受爵主

人西面答拜佐食祭酒卒爵拜坐授爵興

注不啐而卒爵者大夫之

佐食賤禮畧 疏特牲佐食亦啐天子諸侯禮雖亡或對天子諸侯佐食啐乃卒爵貴故也

教氏繼公曰凡室中北面拜者皆在戶牖間卒爵拜之拜蓋衍文

俎設於兩階之間其俎折一膚

注佐食不得成禮于室中折者擇取牢正體餘

骨折分用之

郝氏敬曰折一膚豕肉一片折分也

主人又獻下佐食亦如之其脊亦設於階間西上亦折

一膚

注上佐食既獻則出就其俎特牲記曰佐食無事則中庭北面謂此時

蕙田案以上主人獻祝佐食

蕙田案自主人降洗爵至此初獻禮竟

有司贊者取爵于篚以升授主婦贊者于房戶

注男女不相因

婦贊者受以授主婦主婦洗於房中出酌入戶西面拜

獻尸

注入戶西面拜由便也不北面者辟人君夫人也拜而後獻者當俠拜也昏禮曰婦洗在北堂直室

東隅

郝氏敬曰出酌出房酌酒于房戶間之

尸拜受主婦主人之北西面拜送爵

注拜于主人之北西面婦人位在內

此拜于北則上拜于南由便也

郝氏敬曰主婦又拜送所謂俠拜也

尸祭酒卒爵主婦拜祝受尸爵尸答拜易爵洗酌授尸

注祝出易爵男女不同爵

高氏愈曰士禮亞獻之時主婦有設兩籩及兄弟長以燭從之禮此不設者以後有饋尸之禮故也

主婦拜受爵尸答拜上佐食綏祭主婦西面于主人之北受祭祭之其綏祭如主人之禮不嘏卒爵拜尸答拜

注不嘏夫婦一體

教氏繼公曰士妻撫祭內子受祭又有于房于室之異皆相變也

蕙田案以上主婦獻尸尸酢

主婦以爵出贊者受易爵于篚以授主婦于房中

注贊者有

司贊者也易爵亦以授婦贊者婦贊者受房戶外入授主婦

主婦洗酌獻祝祝拜坐

受爵主婦答拜于主人之北卒爵不興坐授主婦

注不狹拜

也下尸主婦受酌獻上佐食于戶內佐食北面拜坐受爵

主婦西面答拜祭酒卒爵坐授主婦主婦獻下佐食亦

如之主婦受爵以入于房

注不言拜于主人之北可知也爵奠于內篚

蕙田案以上主婦獻祝佐食

蕙田案亞獻禮至此竟

賓長洗爵獻于尸尸拜受爵賓戶西北面拜送爵尸祭酒卒爵賓拜祝受尸爵尸答拜祝酌授尸賓拜受爵尸拜送爵賓坐奠爵遂拜執爵以興坐祭遂飲卒爵執爵以興坐奠爵拜尸答拜

蕙田案以上賓長獻尸尸酢

賓酌獻祝祝拜坐受爵賓北面答拜祝祭酒啐酒奠爵于其筵前

注啐酒而不卒爵祭事畢示醉也不獻佐食將儻尸禮殺

楊氏復曰案啐爵當作卒爵

蕙田案以上賓長獻祝

蕙田案終獻禮至此竟

主人出立於阼階上西面祝出立於西階上東面祝告

曰利成

注利猶養也成畢也孝子之養禮畢疏自此盡廟門論祭祀畢尸出廟之事

敖氏繼公曰階上亦皆序內也

祝入尸謾主人降立於阼階東西面注謾起也祝先尸

從遂出於廟門

注事尸之禮訖於廟門外今禮畢又送尸于廟門按祭

統尸在廟門外則疑于臣是以据廟門為斷

蕙田案以上祭畢尸出廟

祝反復位于室中主人亦入於室復位祝命佐食徹所

俎降設於堂下阼階南

注徹所俎不出門將儋尸也不云尸俎未歸尸

司宮設

對席乃四人養

注大夫禮四人養明惠大也云凡餽之道布興施惠之象也

疏祭統特牲二

人餽惠之小者大夫四

上佐食盥升下佐食對之賓長

二人備

注備四人餽也三餽亦盥升西相當直取東面西面為對下

疏對者不謂東佐食西面近北

也賓長二人亦不相當故云備不言對也

司士進一敦黍於上佐食又進一

敦黍于下佐食皆右之于席上

注右之者東面在南西面在北疏東面在南

据上佐食西面在北据下佐食
右之者飯用手右之便故也 資黍于羊俎兩端兩下

是餼

注資猶減也減置于羊俎兩端則一賓長在上佐食之北一賓長在下佐食之南 疏兩下者据二

賓長地道尊右故二佐食皆在右
上佐食居尸坐處明知位次如此 司士乃辨舉養者皆

祭黍祭舉

注舉舉膚今文辨為徧以尸舉肺餼者下尸當舉膚

主人西面三拜

養者養者奠舉於俎皆答拜皆反取舉

注三拜旅之示徧也言反者拜

時或反其席在東面席者東面拜在西面席者皆南面
拜 疏在西面席者以主人在南西面不得與主人同

面而拜明迴身南
面向主人而拜也

司士進一鉶於上養又進一鉶於次

養又進二豆湑於兩下乃皆食食舉

注湑肉汁也 疏神坐之上止有羊

豕二鉶一進與上佐食一進與下佐食故更羞二豆
渚于兩下渚從門外鑊中來以兩下無鉶故進渚也

放氏繼公曰二豆
渚亦羊豕各一

卒食主人洗一爵升酌以授上養贊者洗三爵酌主人
受於戶內以授次養若是以辨皆不拜受爵主人西面
三拜養者養者奠爵皆答拜皆祭酒卒爵奠爵皆拜主
人答一拜

注不拜受爵者大夫餞者賤也
答一拜畧也古文一為壹也

欽定義疏特牲養者拜受爵少牢養者不拜受爵亦禮
之相變也非關餞者之貴賤而然凡餞之道每變以

衆君卿大夫皆餞焉豈有主祭者尊而養反賤乎

養者三人興出

注出降反賓位

上養止主人受上養爵酌以醋

于戶內西面坐奠爵拜上養答拜坐祭酒啐酒

注主人自酢者

上養獨止當尸位尊不酌也

上養親嘏曰主人受祭之福胡壽保建

家室

注親嘏不使祝授之亦以泰

教氏繼公曰胡如胡福之胡

欽定義疏特牲禮有祝辭無嘏辭祝曰養有以也見興

惠逮下之意以士之餞者嗣子及長兄弟親者也親

主於愛少牢禮有嘏辭無祝辭嘏曰主人受祭之福
胡壽保建家室則歸福于主人之意以大夫之餽者
佐食及賓疏者也疏主于敬故也士冠禮注云胡猶
遐也遠也

蕙田案注云以黍教云不用黍惟以辭別于
尸据經無以黍之文當從教氏

主人興坐奠爵拜執爵以興坐卒爵拜上養答拜上養
興出主人送乃退

注送佐食不拜賤疏賓主之禮賓
出主人皆拜送此佐食送之而不拜

故云
賤也


欽定義疏大夫不以嗣舉奠辟諸侯世子之禮也既不
舉奠故亦不與于餼下篇佐食不與于賓尸之禮蓋
自餼而後佐食無事矣長賓在上佐食之左東面衆
賓長在下佐食之左西面

蕙田案以上餼

蕙田案少牢大夫禮較特牲士禮加隆乃此
經自主婦獻尸以至尸謾其儀節視特牲大

簡以特牲不償尸而少牢有償尸禮此聖人
制禮損益之節也

右儀禮少牢饋食禮



五禮通考卷一百十一